

摘藻堂四庫全書薈要

史部

欽定四庫全書薈要

史部

資治通鑑卷二百五十二

詳校官編修臣汪鏞



欽定四庫全書薈要卷七千二百三十七

史部

資治通鑑卷二百五十一 宋 司馬光 撰

胡三省 音註

 唐紀六十七

起著雍困敦盡屠維赤奮若凡二年

懿宗昭聖恭惠孝皇帝中

咸通九年夏六月鳳翔少尹李師望上言雋州控扼南詔為其要衝成都道遠難以節制請建定邊軍屯重兵

於雋州以邛州為理所

理所猶言治所也上時掌翻雋音髓邛渠容翻

朝廷以

為信然以師望為雋州刺史充定邊軍節度眉蜀邛雅

嘉黎等州觀察統押諸蠻并統領諸道行營制置等使

師望利於專制方面故建此策其實邛距成都纔百六

十里雋距邛千里其欺罔如此為李師望以定邊軍致寇張本初南

詔陷安南見上卷四年敕徐泗募兵二千赴援分八百人別

戍桂州初約三年一代徐泗觀察使崔彥曾慎由之從

子也崔慎由始見上卷宣宗大中十一年從才用翻下從孫同性嚴刻朝廷以徐兵

驕命鎮之都押牙尹戡教練使杜璋大中五年六月敕天下軍府有兵馬

處宜選會兵法能弓馬等人充教
練使每年合教習時常令教習

兵馬使徐行儉用事

軍中怨之戍桂州者已六年屢求代還戡言於彥曾以

軍帑空虛

帑它朗翻

發兵所費頗多請更留戍卒一年彥曾

從之戍卒聞之怒都虞候許佖

佖其吉翻

軍校趙可立姚周

張行實皆故徐州羣盜州縣不能討招出之補牙職會

桂管觀察使李叢移湖南新使未至

校戶教翻使疏吏翻

秋七月

佖等作亂殺都將王仲甫

將即亮翻

推糧料判官龐勛為主

唐制凡行軍置隨軍糧料使兵
少者置糧料判官勛許云翻

劫庫兵北還所過剽掠

劫桂州庫兵北歸徐州還
音旋又如字剽匹妙翻

州縣莫能禦朝廷聞之八月

遣高品張敬思赦其皐

新書百官志內侍省有高品一千六百九十六人

部送

歸徐州戍卒乃止剽掠

以前靜海節度使高駢為右

金吾大將軍駢請以從孫潯代鎮交趾從之

潯徐林翻考異曰

補國史曰高公姪孫潯將先鋒軍每遇陳敵身當矢石及高公內舉交代朝廷命潯節制交趾實錄但云高潯以下勒姓名於碑陰不云潯為節度使新傳曰駢之戰其從孫潯常為先鋒冒矢石以勸士駢徙天平薦潯自代詔拜交州節度使按駢為金吾半歲始除天平今從補國史

九月戊戌以山南東

道節度使盧耽為西川節度使以有定邊軍之故不領

統押諸蠻安撫等使

既分西川置定邊軍則諸蠻皆在定邊軍巡內

龐勛等

至湖南

湖南觀察治潭州

監軍以計誘之使悉輸其甲兵

誘音酉

山南東道節度使崔鉉嚴兵守要害徐卒不敢入境泛

舟沿江東下許佶等相與謀曰吾輩罪大於銀刀

銀刀見上

卷三年

朝廷所以赦之者慮緣道攻劫或潰散為患耳若

至徐州必蒞醢矣乃各以私財造甲兵旗幟

幟昌志翻

過浙

西入淮南淮南節度使令狐綯遣使慰勞給芻米

勞力到翻

芻以飼馬米以給軍

都押牙李湘言於綯曰徐卒擅歸執必為亂

雖無敕令誅討藩鎮大臣當臨事制宜高郵岸峽而水

深狹請將奇兵伏於其側焚荻舟以塞其前

塞悉則翻

以勁

兵蹙其後可盡擒也不然縱之使得渡淮至徐州與怨

憤之衆合為患必大絢素懦怯且以無敕書乃曰彼在

淮南不為暴聽其自過餘非吾事也勛招集銀刀等都

竄匿及諸亡命匿於舟中衆至千人丁巳至泗州

泗州晉宋

宿豫之地後魏置南徐州又置宿豫郡又改東徐州又改東楚州周大象三年改泗州開元二十四年移州治臨淮縣臨淮本漢徐城縣地

當泗水口南北衝要之所

刺史杜愔饗之於毬場

愔他

刀優人致辭

致辭者今諸藩府有大宴則樂部頭當筵致辭稱頌賓主之美所謂致語者是也

徐卒以為玩已擒優人欲斬之坐者驚散愒素為之備

徐卒不敢為亂而止愒悰之弟也

杜悰歷事穆文武宣
屢入相位咸通初又

為相先是朝廷屢敕崔彥曾慰撫戍卒擅歸者勿使憂疑

先悉
薦翻

彥曾遣使以敕意諭之道路相望勛亦申狀相繼

辭禮甚恭戊午行及徐城

徐城縣屬泗州宋朝省徐城為鎮入臨淮縣在泗州北百

餘里自此而西北則入徐州界然其道里迂遠故麗勛

勛等西入宿州至符離則距徐州纔一百四十里耳

與許佶等乃言於衆曰吾輩擅歸思見妻子耳今聞已

有密敕下本軍至則支分滅族矣

下戶嫁翻支分謂被支解而支體異處也

刑即

丈夫與其自投網羅為天下笑曷若相與戮力同

心赴蹈湯火豈徒脫禍兼富貴可求況城中將士皆吾

輩父兄子弟吾輩一唱於外彼必響應於內矣然後遵

王侍中故事

王侍中謂王智興也事見二百四十二卷穆宗長慶二年

五十萬賞錢

可翹足待也衆皆呼躍稱善將士趙武等十二人獨憂

懼欲逃去悉斬之遣使致其首於彥曾且為申狀稱勛

等遠戍六年實懷鄉里而武等因衆心不安輒萌奸計

將士誠知詿誤

註古賣翻

敢避誅夷今既蒙恩全宥輒共誅

首惡以補愆尤冬十月甲子使者至彭城彥曾執而訊

之具得其情乃囚之丁卯勛復於遞中申狀

復扶又翻遞中謂入

郵筒送使府

稱將士自負罪戾各懷憂疑今已及符離尚未

釋甲

符離漢古縣時屬宿州九域志宿州北至徐州百二十里宋白曰爾雅莞符離北地尤多此草故名

蓋以軍將尹戡杜璋徐行儉等狡詐多疑必生釁隙乞

且停此三人職任以安衆心仍乞戍還將士別置二營

共為一將

將並即亮翻

時戍卒拒彭城止四驛

唐制三十里一驛四驛百

二十里 闔城恐懼彥曾召諸將謀之皆泣曰比以銀刀兇

悍

比毗至翻悍侯
肝翻又下罕翻

使一軍皆蒙惡名殲夷流竄不無枉

濫今冤痛之心未已而桂州戍卒復爾猖狂

復扶又
翻下同

若

縱使入城必為逆亂如此則闔境塗地矣不若乘其遠

來疲弊發兵擊之我逸彼勞往無不捷彥曾猶豫未決

團練判官溫廷皓復言於彥曾曰安危之兆已在目前

得失之機決於今日今擊之有三難而捨之有五害詔

釋其罪而擅誅之一難也帥其父兄討其子弟二難也

帥讀曰率

枝黨鉤連刑戮必多三難也然當道戍卒擅歸不

誅則諸道戍邊者皆效之無以制禦一害也將者一軍

之首而輒敢害之

謂戍卒殺都將王仲甫也

則凡為將者何以號令

士卒二害也所過剽掠

剽匹妙翻

自為甲兵招納亡命此而

不討何以懲惡三害也軍中將士皆其親屬銀刀餘黨

潛匿山澤一旦內外俱發何以支梧四害也

如淳曰支梧猶枝扞

也薛瓚曰小柱為枝邪柱為梧今屋梧邪柱是也

逼脇軍府誅所忌三將又欲

自為一營

三將謂尹戡杜璋徐行儉及乞別營事並見上

從之則銀刀之患復

起違之則託此為作亂之端五害也惟明公去其三難

去羗呂翻

絕其五害早定大計以副衆望時城中有兵四千

三百彥曾乃命都虞候元密等將兵三千人討勦數勦

之罪以令士衆

數所具翻

且曰非惟塗炭平人實亦汚染將

士

汚烏故翻染如艷翻又如險翻

儻國家發兵誅討則玉石俱焚矣

書曰

火炎崑岡玉石俱焚天吏逸德烈于猛火

又曰凡彼親屬無用憂疑罪止一

身必無連坐仍命宿州出兵符離泗州出兵於虹以邀

之

虹漢古縣宋魏廢省古城在夏丘縣界武德置虹縣於古虹城貞觀八年移治夏丘故城時屬宿州九域

志在州東一百八十里顏師古曰虹音貢今音絳

具奏其狀彥曾戒元密無傷

敕使

時張敬思尚在勛等軍中

戊辰元密發彭城軍容甚盛諸將至

任山北數里

任山在彭城西南三十里

頓兵不進共思所以奪敕使

之計欲俟賊入館乃縱兵擊之遣人變服負薪以訶賊

訶翻正翻又火迫翻

日暮賊至任山館中空無人又無供給疑之

見負薪者執而榜之

榜音彭

果得其情乃為偶人列於山

下而潛遁比夜官軍始覺之

比必利翻及也下比官軍比追及皆同音

恐賊

潛伏山谷及間道來襲

間古莫翻

復引兵退宿於城南明旦

乃進追之時賊已至符離宿州戍卒五百人出戰於濰

水上

濰水在虹縣靈壁東

望風奔潰賊遂抵宿州時宿州闕刺史

觀察副使焦璐攝州事城中無復餘兵庚午賊攻陷之

璐走免

璐音路陷宿州今從鄭樵彭門紀亂及新紀

考異曰舊紀九月甲午勦賊悉聚城

中貨財令百姓來取之一日之中四遠雲集然後選募

為兵有不願者立斬之自旦至暮得數千人於是勒兵

乘城龐勛自稱兵馬留後再宿官軍始至賊守備已嚴

不可復攻先是焦璐聞符離敗

先悉薦翻

決汴水以斷北路

斷音短賊至水尚淺可涉比官軍至已深矣壬申元密引

兵渡水將圍城會大風賊以火箭射城外茅屋

射而亦翻

延

及官軍營士卒進則冒矢石退則限水火賊急擊之死

者近三百人

近其新翻

元密等以為賊必固守但為攻取之

計賊夜使婦人持更

夜有五更使人各直一更擊鼓以警衆謂之持更顏之推曰一更二

更三更四更皆以五為節西都賦云衛以嚴更之署所以爾者假令正月建寅斗柄夕則指寅晝則指午自寅

至午凡歷五辰冬夏之月雖復長短然辰間遼闊盈不至六縮不至四進退常在五者之間更歷也經也故曰

五更更工衛翻

掠城中大船三百艘備載資糧順流而下欲入

江湖為盜

宿州居汴河之會漕運及商旅所經故城中有大船沿汴而下入淮則可以入江湖矣艘

蘇遭

以千緡贈張敬思遣騎送至汴之東境

此謂汴州東境也

縱使西歸

謂西歸長安

明旦官軍知賊已去狼狽追之士卒

皆未食比追及已饑乏賊樣舟隄下而陳於隄外

陳讀曰陣

下伏千人於舟中

樣魚豈翻

官軍將至陳者皆走入陂中密

以為畏已縱兵追之賊自舟中出夾攻之自午及申官

軍大敗密引兵走陷於荷渚

渚古翻

賊追及之密等諸將

及監陳敕使皆死士卒死者殆千人其餘皆降於賊無

一人還徐者賊問降卒以彭城人情計謀知其無備始

有攻彭城之志乙亥龐勛引兵北度濰水踰山趣彭城

趣七
踰翻其夕崔彥曾始知元密敗移牒鄰道求救明日塞

門塞悉
則翻選城中丁壯為守備內外震恐無復固志或勸

彥曾奔兗州九域志徐州北至
兗州三百六十里彥曾怒曰吾為元帥城

陷而死職也立斬言者丁丑賊至城下衆六七千人鼓

譟動地民居在城外者賊皆慰撫無所侵擾由是人爭

歸之不移時克羅城彥曾退保子城羅城外大城也
子城內小城也民

助賊攻之推草車塞門而焚之

推吐雷翻塞悉則翻城陷

曰舊紀考異

九月乙未龐勛陷徐州殺節度使崔彥曾判官焦璐等賊令別將梁丕守宿州又遣劉行及丁景琮吳廻攻圍

泗州今從彭門紀亂及新紀舊彥曾傳曰九年九月十四日賊逼徐州十五日後每旦大霧十八日彥曾並誅

逆卒家口十七日昏霧尤甚賊四面斬關而入實錄自勛知徐州出兵退至符離已後皆置於十一月今從彭

門紀亂賊囚彥曾於大彭館執尹戡杜璋徐行儉劊而剉

之剉其腹而寸剉之

盡滅其族勛坐聽事

徐州觀察聽事也聽讀曰廳

盛陳

兵衛文武將吏伏謁莫敢仰視即日城中願附從者萬

餘人戊寅勛召溫庭皓使草表求節鉞庭皓曰此事甚

大非頃刻可成請還家徐草之勛許之明旦勛使趣之

趣讀曰促

庭皓來見勛曰昨日所以不即拒者欲一見妻子

耳今已與妻子別謹來就死勛熟視笑曰書生敢爾不

畏死邪龐勛能取徐州何患無人草表遂釋之有周重

者每以才畧自負勛迎為上客重為勛草表

重為于偽翻

稱

臣之一軍乃漢室興王之地

漢高帝起於沛唐沛縣屬徐州故稱之以自夸大

頃因節度使刻削軍府刑賞失中遂致迫逐

言士卒所以迫逐主

帥者皆其所自致

陛下奪其節制翦滅一軍

見上卷三年

或死或流

寬橫無數

橫戶孟翻

今聞本道復欲誅夷將士不勝痛憤推

臣權兵馬留後彈壓十萬之師撫有四州之地

勝音升四州謂

徐宿濠泗

臣聞見利乘時帝王之資也臣見利不失遇時不

疑伏乞聖慈復賜旌節不然揮戈曳戟詣闕非遲庚辰

遣押牙張瑄奉表詣京師勛以許佶為都虞候趙可立

為都遊奕使黨與各補牙職分將諸軍又遣舊將劉行

及將千五百人屯濠州李圓將二千人屯泗州梁丕將

千人屯宿州自餘要害縣鎮悉繕完戍守徐人謂旌節

之至不過旬月願効力獻策者遠近輻湊乃至光蔡淮

浙兗鄆沂密羣盜皆倍道歸之闐溢郭郭

闐停年翻郭芳無翻

旬

日間米斗直錢二百

人來從亂者多故米踊貴

勛詐為崔彥曾請剪

滅徐州表其畧曰一軍暴卒盡可剪除五縣愚民各宜

配隸

五縣彭城蕭豐沛滕也

又作詔書依其所請傳布境內徐人

信之皆歸怨朝廷曰微桂州將士回戈吾徒悉為魚肉

矣劉行及引兵至渦口

渦口至濠州僅隔淮水耳渦音戈

道路附從者

增倍濠州兵纔數百刺史盧望回素不設備不知所為

乃開門具牛酒迎之行及入城囚望回自行刺史事

考

異曰舊紀實錄新紀濠州陷在十一月按濠本徐之屬郡勛始得徐州則遣行及取之望回猶未及為備豈得至十一月今泗州刺史杜悁聞勛作亂守備以待之且

從彭門紀亂

求救於江淮李圓遣精卒百人先入泗州封府庫悁遣

人迎勞

勞力到翻

誘之入城悉誅之

誘音酉

明日圓至即引兵

圍城城上矢石雨下賊死者數百乃斂兵屯城西勛以泗州當江淮之衝益發兵助圓攻之衆至萬餘終不能

克

史於此畧言其終下文始詳言其事

初朝廷聞龐勛自任山還趣宿

州趣七遣高品康道偉齎敕書撫慰之十一月道偉至

彭城勛出郊迎自任山至子城三十里大陳甲兵號令

金鼓響震山谷城中丁壯悉驅使乘城宴道偉於毬場

使人詐為羣盜降者數千人諸寨告捷者數十輩復作

求節鉞表

復扶又翻

附道偉以聞

初辛雲京之孫讜

辛雲京見

二百二十二卷肅宗實應二年讜多曩翻

寓居廣陵喜任俠

喜許記翻如淳曰相與信為任

同是非為俠所謂權行州里力折公侯者也或曰俠之為言挾也以權力俠輔人也

年五十不仕

與杜悛有舊聞龐勛作亂詣泗州勸悛挈家避之悛曰

安平享其祿位危難棄其城池

難乃旦翻

吾不為也且人各

有家誰不愛之我獨求生何以安衆誓與將士共死此

城耳讜曰公能如是僕與公同死乃還廣陵與其家訣

壬辰復如泗州

復扶又翻

時民避亂扶老攜幼塞塗而來

塞悉

則翻見讜皆止之曰人皆南走子獨北行取死何為讜不

應至泗州賊已至城下讜急棹小舟得入惛即署團練

判官城中危懼都押牙李雅有勇畧為惛設守備帥衆

鼓譟四出擊賊賊退屯徐城衆心稍安龐勛募人為兵

人利於剽掠爭赴之

帥讀曰率剽匹妙翻

至父遣其子妻勉其夫

皆斷鉏首而銳之

據陸德明春秋左氏傳釋文斷音丁管翻讀如短齊景公使王黑以靈姑

鉏率請斷三尺而用之楚令尹圍為王旌以田芋尹無宇斷之是也

執以應募鄰道聞勛

據徐州各遣兵據要害而官軍尚少賊衆日滋官軍數

不利

少詩沼翻數所角翻

賊遂破魚臺近十縣

近其斬翻

宋州東有磨

山民逃匿其上勛遣其將張玄稔圍之會旱山泉竭數

萬口皆渴死或說勛曰

說式芮翻下同

留後只欲求節鉞當恭

順盡禮以事天子外戢士卒內撫百姓庶幾可得勛雖

不能用然國忌猶行香

唐自中世以後每國忌日令天下州府悉於寺觀設齋焚香開

成初禮部侍郎崔彞以其事無經據奏罷之尋而復舊

畢仲荀幕府闕間錄曰國忌行香起於後魏唐會要曰

天寶七年敕華同等州僧尼道士國忌日各就龍興寺

行道散齋至貞元五年處州奏當州不在行香之數乞

同衢婺等州行香饗士卒必先西向拜謝

凡方鎮大饗將士必朝服

有旨依注又見前

帥將佐西向望闕謝恩言皆出於君賜也癸卯勛聞敕使入境以為必賜旌

節衆皆賀明日敕使至但責崔彥曾及監軍張道謹貶

其官勛大失望遂囚敕使不聽歸詔以右金吾大將軍

康承訓為義成節度使徐州行營都招討使神武大將

康承訓為義成節度使徐州行營都招討使神武大將

康承訓為義成節度使徐州行營都招討使神武大將

康承訓為義成節度使徐州行營都招討使神武大將

軍王晏權為徐州北面行營招討使羽林將軍戴可師

為徐州南面行營招討使

考異曰舊紀十年正月以神武大將軍王晏權為武寧

節度使晏權智興之從子也以右神策大將軍康承訓充徐泗行營都招討使凡十八將分董諸道之兵七萬

三千一十五人正月一日進軍攻徐州又曰承訓大軍

攻宿州賊將梁丕出戰屢敗乃授承訓義成節度使實

錄九年十二月以右金吾大將軍康承訓為義成節度

使充徐泗行營兵馬都招討使承訓不赴鎮以節度副

使陳魴句當留後以王晏權為徐泗濠宿等州觀察使

充徐州北面行營招討等使羽林將軍戴可師為徐州

南面行營招討等使彭門紀亂新紀承訓等除招討使

皆在十一月唐年補錄十一月庚申以太原節度使康

承訓為都統討徐州按庚申乃十二月一日承訓舊大

官亦非太原節度使補錄誤也今從彭門紀亂新紀

發諸道兵以隸三帥

帥所類翻

承訓奏乞沙陀三部落使朱

邪赤心

沙陀薩葛安慶分為三部

及吐谷渾達鞞契必酋長各帥其

衆以自隨

鞞當葛翻帥讀曰率

詔許之龐勛以李圓攻泗州久不

克遣其將吳迴代之丙午復進攻泗州晝夜不息時敕

使郭厚本

考異曰舊紀實錄作郝厚本今從彭門紀亂及舊傳

將淮南兵千五

百人救泗州至洪澤

九域志楚州淮陰縣有洪澤鎮

畏賊彊不敢進辛

讜請往求救杜悆許之丁未夜乘小舟潛渡淮至洪澤

說厚本厚本不聽比明復還已酉賊攻城益急欲焚水

門城中幾不能禦

說式芮翻此必利翻幾居依翻

譙請復往求救惛曰

前往徒還今往何益譙曰此行得兵則生返不得則死

之惛與之泣別譙復乘小舟負戶突圍出見厚本為陳

利害

為于偽翻下皆為同

厚本將從之淮南都將袁公弁曰賊執

如此自保恐不足何暇救人譙拔劍瞋目謂公弁曰

昌瞋

真翻賊百道攻城陷在朝夕公受詔救援而逗留不進豈

惟上負國恩若泗州不守則淮南遂為寇場公詎能獨

存邪我當殺公而後止耳起欲擊之厚本起抱止之公

弁僅免讜乃回望泗州慟哭終日士卒皆為之流涕

為于

偽翻厚本乃許分五百人與之仍問將士將士皆願行讜

舉身叩頭以謝將士遂帥之抵淮南岸

帥讀曰率

望賊方攻

城有軍吏言曰賊執已似入城還去則便

憚賊不敢進兵言還軍而

去則於事為便也

讜逐之攬得其髻

攬撮持也

舉劒擊之士卒共救

之曰予五百人判官不可殺也讜曰臨陳妄言惑衆

陳讀

陣曰必不可捨衆請不能得乃共奪之讜素多力衆不能

奪讜曰將士但登舟我則捨此人衆競登舟乃捨之士

卒有回顧者則斫之驅至淮北勒兵擊賊惴於城上布

兵與之相應賊遂敗走鼓譟逐之至晡而還

還從先翻又如字

龐勛遣其將劉佶將精兵數千助吳迴攻泗州劉行及

自濠州遣其將王弘立引兵會之戊午鎮海節度使杜

審權

鎮海軍治潤州

遣都頭翟行約將四千人救泗州

翟直格翻

已

未行約引兵至泗州賊逆擊於淮南圍之城中兵少不

能救行約及士卒盡死先是令狐絢遣李湘將兵數千

救泗州

先悉薦翻

與郭厚本表公升合兵屯都梁城

都梁城在泗州

盱眙縣北都梁山項安世曰都梁縣有小山山上水極清淺其山中悉產蘭草綠葉紫莖俗謂蘭為都梁因以名與泗州隔淮相望賊既破翟行約乘勝圍之十二月

甲子李湘等引兵出戰大敗賊遂陷都梁城執湘及郭

厚本送徐州

考異曰舊紀十月賊攻泗州勢急令孤絢慮失淮口乃令大將李湘赴援舉軍皆

沒湘與都監郭厚本俱為賊所執送徐州令孤絢傳曰賊聞湘來援遣人致書于絢辭情遜順言朝廷累有詔赦宥但抗拒者三兩人耳旦夕圖去之即束身請命願相公保任之絢即奏聞請賜勛節鉞仍誠李湘但戍淮口賊已招降不得立異繇是湘軍解甲安寢去警撤備日與賊相對歡笑交言一日賊軍乘間步騎徑入湘壘淮卒五千人皆被生繫送徐州為賊蒸而食之湘與監軍郭厚本為龐勛斷手足以徇於康承訓軍時浙西杜

審權發軍千人與李湘約會兵大將翟行約勇敢知名
浙軍未至而湘軍敗賊乃分兵立淮南旗幟為交關之
狀行約軍望見急趣之千人並為賊所縛送徐州絢既
喪師朝廷以馬舉代絢為淮南節度使辛讜傳曰湘率
五千來援賊詐降敗于淮口湘與郭厚本皆為賊所執
彭門紀亂曰勛以泗州堅守遣劉佶共謀攻取時淮南
宣潤三道發兵戍都梁山舊城與泗州隔淮而已賊眾
乃夜潛師屯淮及明而逼城濠州賊帥劉行及亦遣王
宏立侵掠淮南於是合眾急攻官軍遂弃城出戰十一
月三十日賊乃大敗官軍殺害二千人生降七八百人
并虜其將李湘等咸送於徐州賊遂據有淮口斷絕驛
路又曰賊既破戴可師令狐絢思乃遣使誘諭約為奏
請節旄續皇王實運錄曰十一月二十九日浙西節度
使杜審權差都頭翟行約將兵二千來救三十日行約
領兵方欲入泗州又破賊奔突行約占山尋被圍合城
中兵士無可出救賊又開圍行約不知是計便走欲去

而被着山下伏兵須臾被殺匹馬不餘賊遂圍淮口鎮
有淮南都押衙李湘鎮將袁公弁領馬步三千人被圍
從十一月三十日至十二月五日李湘東甲出軍被襲
逐殺盡却入鎮者使豎降旗鎮內兵士老小一萬餘人
被劫驅送濠州郭厚本此
時遇害今從續寶運錄
據淮口
泗水入
漕驛路絕
東

南漕驛入上

康承訓軍於新興

九域志宋州寧陵縣有新興鎮賊將姚

周屯柳子

九域志宿州臨渙縣有柳子鎮今在宿州北
九十里范成大北使錄曰自臨渙縣北行四

十五里至柳子鎮張舜民柳行錄曰柳子鎮在永城出
縣南九域志永城屬亳州在州東北一百一十五里

兵拒之時諸道兵集者纔萬人承訓以衆寡不敵退屯

宋州龐勛以為官軍不足畏乃分遣其將丁從實等各

將數千人南寇舒廬北侵沂海破沭陽下蔡烏江巢縣

沭陽漢廩丘縣後魏改曰沭陽唐屬海州九域志在州

西南一百八十里下蔡漢古縣唐屬潁州烏江漢東城

縣之烏江亭也隋置烏江縣唐屬和州九域志在州東

北三十五里巢漢居巢縣隋為襄安縣武德七年改襄

安為巢縣屬廬州沭食聿翻攻陷滁州殺刺史高錫望又寇和州

州沭食聿翻

南至和州刺史崔雍遣人以牛酒犒之引賊登樓共飲

百五十里

命軍士皆釋甲指所愛二人為子弟乞全之其餘惟賊

所處處昌呂翻賊遂大掠城中殺士卒八百餘人彭門紀亂

考異曰

先蔡山中草賊數攻破滁州殺刺史高錫望歸附龐勛

舊紀十一月吳迥既執李湘乃令小將張行簡吳約攻

滁州執刺史高錫望手刃之屠其城而去行簡又進攻
和州刺史崔雍登城樓謂吳約云云遂剽城中居民殺
判官張涿以涿浚城濠故也勛又令劉贇攻濠州陷之
因刺史盧望回於迴車館望回鬱憤而死實錄閏月賊
陷和州濠州明年二月又云勛遣張行簡攻濠州入城
害刺史高錫望新紀十二月賊陷濠州和今陷濠州從彭
門紀亂陷濠州和
置執李湘下 泗州援兵既絕糧且盡人食薄粥閏月

己亥辛讜言於杜悌請出求救於淮浙夜帥敢死士十

人執長柯斧

柯斧柄也
帥讀曰率

乘小舟潛往斫賊水寨而出明

旦賊乃覺之以五舟遮其前以五千人夾岸追之賊舟
重行遲讜舟輕行疾力鬪三十餘里乃得免癸卯至揚

州見令狐絢甲辰至潤州見杜審權

揚州南至潤州五十餘里

時泗

州久無聲問或傳已陷讜既至審權乃遣押牙趙翼將

甲士二千人與淮南共輸米五千斛鹽五百斛以救泗

州戴可師將兵三萬渡淮轉戰而前賊盡奔淮南之守

可師欲先奪淮口後救泗州壬申圍都梁城城中賊少

少詩拜於城上曰方與都頭議出降可師為之退五里

為于賊夜遁明旦惟空城可師恃勝不設備是日大霧

賊將王弘立引兵數萬疾徑奄至

疾徑猶言捷徑也由正路直徑而行取

其便直

縱擊官軍官軍不及成列遂大敗將士觸兵及溺

淮死得免者纔數百人亡器械資糧車馬以萬計賊傳

可師及監軍將校首於彭城

考異曰續寶運錄曰正月十八日戴可師陷失賊

遂凶狂彭門紀亂曰可師引兵三萬欲先奪淮口遂救泗州十二月十三日遲明圍賊於都梁山下賊已就降而可師自恃兵強不為備賊將王弘立者將兵數萬人捷徑赴救奔突而前官軍潰亂遂為所敗可師并監使將校已下咸沒於陣於是龐勛自謂前無彊敵矣舊紀十一月可師與賊轉戰賊黨屢敗盡奔淮南之守十年正月以可師充漕州行營招討使時賊將劉行及吳迥攻圍泗州可師乘勝救之屯於石梁驛賊退去可師追擊生擒行及賊保都梁城登城拜曰見與都頭謀歸降可師既知其窘乃退軍五里其城西面有水三面大軍

賊乃夜中涉水而遁明早開城門惟病嫗數人而已王
師入壘未整翌日詰旦重霧賊軍大至可師方大醉單
馬奔出為虹縣人郭真所殺一軍盡沒賊將吳迴進軍
復圍泗州又曰龐勛奏當道先發成嶺南兵士三千人
春冬衣今欲差人送赴邕管鄂岳觀察使劉允章上書
言龐勛聚徒十萬今若遣人達嶺表如戍卒與勛合勢
則禍難非細尋詔龐勛止絕兼令江淮諸道紀綱捕之
實錄可師敗繫於閏月下亦云十二月十三日新紀十
二月壬申亦用紀亂之日也按紀亂上有臘月又云十
二月十三日其下無閏月疑謂閏月十三日也然據續
寶運錄閏月十一日辛謹離泗州十四日至揚州乞兵
糧若於時可師在都梁則謹必不舍可師而詣揚潤也
若謹出在可師敗後則令狐絢方自救不暇何暇救泗
州若可師敗在正月則新紀十二月已除馬舉南面招
討使要之必在辛謹適
揚潤之後故置於此

龐勛自謂無敵於天下作露布

散示諸寨及鄉村於是淮南士民震恐往往避地江左

令狐綯畏其侵軼

軼徒結翻

遣使詣勛說諭

說式尚翻

許為奏請

節鉞

偽為于翻

勛乃息兵俟命於是淮南稍得收散卒修守

備時汴路既絕江淮往來者皆出壽州

自壽州汴淮即入潁汴路賊

既破戴可師乘勝圍壽州掠諸道貢獻及商人貨其路

復絕

復扶又翻下同

勛益自驕日事遊宴周重諫曰自古驕滿

奢逸得而復失成而復敗多矣况未得未成而為之者

乎諸道兵大集於宋州徐州始懼應募者益少而諸寨

求益兵者相繼勛乃使其黨散入鄉村驅人為兵又見

兵已及數萬人

見賢
遍翻

資糧匱竭乃斂富室及商旅財什

取其七八坐匿財夷宗者數百家又與勛同舉兵於桂

州者尤驕暴奪人資財掠人婦女勛不能制由是境內

之民皆厭苦之不聊生矣王晏權兵數退

數所
角翻

朝廷

命泰寧節度使曹翔代晏權為徐州北面招討使

充海
號泰

寧軍

考異正文曰曹翔馬舉為徐州南北招討使注

曰彭門

紀亂作馬士舉今從新紀紀亂曰王晏權數為

賊所攻雖不敗傷亦時退縮朝廷復除隴州牧曹翔領
充海節度使充北面都統招討等使又魏博元帥何公

遣行軍薛尤將兵三萬人犄角破賊曹翔軍於滕沛魏
博軍於豐蕭其衆都六七萬人又言賊寇海州壽州皆
敗又言卒譴救泗州雖繫正月之下蓋追叙以前之事
實錄二月以馬舉為淮南節度使充南面招討使初康
承訓率諸將正月一日進軍攻徐州不克賊圍壽州王
晏權數為賊所攻退縮不敢出戰乃以曹翔為兗海等
州節度使充北面招討使魏博遣薛尤將兵三千犄角
討賊賊衆攻海州戍兵擊之大敗康承訓率衆屯於柳
子之西皆承此而誤也新紀翔舉除南北招討在十二
月而無閏今因翔與魏博同討徐州而見之置於歲末
余據考異及明年馬舉解泗州圍事則通鑑正文曹翔
為徐州北面招討使之下當有以馬舉為淮南節度使
充南面招討使也前天雄節度使何全皞按何全皞為
四字傳寫逸之也前天雄節度使何全皞按何全皞為
魏博本號天雄軍未嘗徙他鎮疑史衍前字或遣其將
曰是時秦州號天雄軍罷魏博軍號故如前字

薛尤將兵萬三千人討龐勛

考異曰彭門紀亂曰尤將三萬人并曹翔軍都六

七萬人實錄魏博奏請出兵三千人助討徐泗舊紀魏博何弘敬奏當道點檢兵馬一萬三千赴行營姓名雖

誤今取其人數翔軍於滕沛尤軍於豐蕭四縣皆屬徐州滕春秋滕子之國隋置滕

縣宋白曰以縣西南四十里有滕城也豐漢古縣九域志滕在州北一百九十五里沛在西北一百四十里豐

在西北一百四十里蕭在西五十里蕭縣亦以古蕭國為名是歲江淮旱蝗

十年春正月康承訓將諸道軍七萬餘人屯柳子之西

自新興至鹿塘三十里壁壘相屬屬之欲翻徐兵分戍四境

城中不及數千人龐勛始懼民多穴地匿其中勛遣人

搜掘為兵日不過得三二十人勛將孟敬文守豐縣狡

悍而兵多謀貳于勛自為符識勛聞之會魏博攻豐勛

遣腹心將將三千助敬文守豐敬文與之約共擊魏博

軍且譽其勇

三千之下當有人字將將並即亮翻譽音余

使為前鋒新軍既

與魏博戰

新軍謂龐勛新附之軍

敬文引兵退走新軍盡沒勛乃

遣使給之曰

給徒亥翻

王弘立已克淮南留後欲自往鎮之

悉召諸將欲選一人可守徐州者敬文喜即馳詣彭城

未至城數里勛伏兵擒之辛酉殺之 丁卯同昌公主

適右拾遺韋保衡以保衡為起居郎駙馬都尉

同昌隋郡名唐

為豐州常芬縣

公主郭淑妃之女上特愛之傾宮中珍玩以為

資送賜第於廣化里窓戶皆飾以雜寶井欄藥臼槽匱亦以金銀為之編金縷以為箕筐賜錢五百萬緡他物

稱是

稱尺證翻

徐賊寇海州

徐賊者龐勛所遣兵也九域志徐州東至海州四百八十

里時諸道兵戍海州者已數千人斷賊所過橋柱而弗

殊

殊絕也斷橋柱而不使絕待賊過踐踏而自陷斷音短下鎖斷斧斷同

仍伏兵要害以

待之賊過橋崩蒼黃散亂伏兵發盡殪之

殪壹計翻

其攻壽

州者復為南道軍所破斬獲數千人

南道軍淮浙之兵也復扶又翻辛

謹以浙西之軍至楚州敕使張存誠以舟助之徐賊水

陸布兵鎖斷淮流浙西軍憚其彊不敢進謹曰我請為

前鋒勝則繼之敗則汝走猶不可謹乃募選軍中敢死

士數十人牒補職名先以米舟三艘鹽舟一艘乘風逆

流直進賊夾攻之矢著舟板如急雨

夾攻者兩岸賊兵也艘蘇遭翻著直

及鎖謹帥衆死戰斧斷其鎖乃得過城上人喧呼動

畧翻

地帥讀曰率杜愔及將佐皆泣迎之乙酉城上望見舟

呼火故翻

師張帆自東來識其旗浙西軍也去城十餘里賊列火

船拒之帆止不進恠令譙帥死士出迎之乘戰艦衝賊

陳而過陳讀曰陣見張存誠帥米舟九艘曰將士在道前却

存誠屢欲自殺憚敵而不敢進故僅得至此今又不進

譙揚言賊不多甚易與耳所以作衆氣而使帥衆揚旗

鼓譟而前帥讀曰率下同賊見其執猛銳避之遂得入城 二

月端州司馬楊叔長流驩州尋賜死其僚屬黨友坐長

流嶺表者十餘人初尚書右丞裴坦子娶叔女資送甚

盛器用飾以犀玉坦見之怒曰破我家矣立命壞之

壞音

怪

已而収竟以賄敗康承訓使朱邪赤心將沙陀三

千騎為前鋒陷陳却敵

陳讀曰陣

十鎮之兵伏其驍勇

十鎮謂義

成魏博鄆延義武武鳳翔橫

海泰寧宣武忠武天平也

承訓嘗引麾下千人渡渙水

宿州臨渙縣以臨渙水得名南北對境

圖渙水出亳州南流入淮正直五河口

賊伏兵圍之赤

心帥五百騎奮槁衝圍拔出承訓賊執披靡

槁步瓜翻披普彼翻

因合擊敗之

敗補遺翻

承訓數與賊戰

數所角翻

賊軍屢敗王弘

立自矜淮口之捷

謂破戴可師也

請獨將所部三萬人破承訓

龐勛許之已亥弘立引兵渡濰水夜襲鹿塘寨黎明圍之弘立與諸將臨望自謂功在漏刻沙陀左右突圍出入如飛賊紛擾移避沙陀縱騎蹂之九蹂人翻寨中諸軍爭出奮擊賊大敗官軍蹙之於濰水溺死者不可勝紀音勝

升自鹿塘至襄城

此襄城非汝州之襄城蓋徐宿間別自有襄城也

伏尸五十

里斬首二萬餘級弘立單騎走免所驅掠平民皆散走

山谷不復還營

又復扶翻

委弃資糧器械山積時有敕諸軍

破賊得農民皆釋之自是賊每與官軍遇其驅掠之民

先自潰龐勛許佶以弘立驕情致敗欲斬之周重為之

說勛曰

為于偽翻下為敵同說式芮翻

弘立再勝未賞

再勝謂取濠州破戴可師一

敗而誅之弃功錄過為敵報讐諸將咸愆矣不若赦之

責其後効勛乃釋之弘立收散卒纔數百人請取泗州

以補過勛益其兵而遣之三月辛未以起居郎韋保

衡為左諫議大夫充翰林學士

徙郢王侃為威王

侃皇

子也康承訓既破王弘立進逼柳子與姚周一月之間

數十戰丁亥周引兵渡水

謂渡渙水也

官軍急擊之周退走

官軍逐之遂圍柳子會大風四面縱火賊弃寨走沙陀

以精騎邀之屠殺殆盡自柳子至芳城

芳城新書作芳亭

死者

相枕

枕職任翻

斬其將劉豐周將麾下數十人奔宿州宿州

守將梁丕素與之有隙開城聽入執而斬之龐勛聞之

大懼與許佶議自將出戰

將即亮翻

周重泣言於勛曰柳子

地要兵精姚周勇敢有謀今一旦覆沒危如累卵不若

遂建大號悉兵四出決立死戰又勸殺崔彥曾以絕人

望術士曹君長亦言徐州山川不容兩帥

帥所類翻

今觀察

使尚在故留後未興賊黨皆以為然夏四月壬辰勛殺
彥曾及監軍張道謹宣慰使仇大夫僚佐焦璐溫庭皓
并其親屬賓客僕妾皆死斷淮南監軍郭厚本都押衙
李湘手足斷丁管翻以示康承訓軍勛乃集衆揚言曰勛始

望國恩

大言以播告曰揚言望國恩謂望旌節也

庶全臣節今日之前志

已乖自此勛與諸君真反者也當掃境內之兵戮力同
心轉敗為功耳衆皆稱善於是命城中男子悉集毬場
仍分遣諸將比屋大索

比毗必翻索山客翻

敢匿一男子者族其

家選丁壯得三萬人更造旗幟

更工衡翻
幟昌志翻

給以精兵許

佶等共推勛為天冊將軍大會明王勛辭王爵先是辛

讜復自泗州引驍勇四百人迎糧於揚潤

先悉薦翻
復扶又翻

賊

夾岸攻之轉戰百里乃得出至廣陵止於公館不敢歸

家舟載鹽米二萬石錢萬三千緡乙未還至斗山

斗山
在今

盱眙縣亦曰陡山臨淮
流斗山之東則古盱眙

賊將王弘芝帥衆萬餘拒之於

盱眙密布戰艦百五十艘以塞淮流

帥讀曰率
塞悉則翻

又縱火

船逆之讜命以長叉托過自卯戰及未衆寡不敵官軍

不利賊縛木於戰艦

艦戶點翻

旁出四五尺為戰棚

棚浦庚翻

讜

命勇士乘小舟入其下矢斂所不能及以槍揭火牛焚

之

揭其謁翻火牛縛草為之墊以燒敵今

戰艦既然

謂然

火然賊皆潰走官軍乃得過入城

曰考異曰續實運錄二月七日辛讜棟

點駢勇領空船十二隻般糧二十日却到楚州四月六日離楚八日至斗山下是日二更後入泗州按正月二

十七日讜迎米船九隻入泗州二月六日未應食盡復出又二十日却到楚州不應住四十五日然後離彼又

上有二月十日校讜御史不應下云二月七日讜出般糧疑是三月字也

龐勛以父舉直

為大司馬與許佶等留守徐州或曰將軍方耀兵威不

可以父子之親失上下之節乃令舉直趨拜於庭勛據案而受之時魏博屢圍豐縣龐勛欲先擊之丙申引兵發徐州 戊戌以前淮南節度使同平章事令狐綯為太保分司

以綯在淮南喪師命馬舉代之

龐勛夜至豐縣潛入城魏

博軍皆不之知魏博分為五寨其近城者屯數千人

近其

斬勛縱兵圍之諸寨救之勛伏兵要路殺官軍二千人

翻

餘皆返走賊攻寨不克至夜解圍去官軍畏其衆且聞勛自來諸寨皆宵潰曹翔方圍滕縣聞魏博敗引兵退

保兗州

曹翔泰寧帥本治兗州故退保之

賊悉毀其城柵運其資糧傳

檄徐州盛自誇大謂官軍為國賊云馬舉將精兵三

萬救泗州乙巳分軍三道度淮至中流大譟聲聞數里

聞音問

賊大驚不測衆寡斂兵屯城西寨舉就圍之縱火

焚柵賊衆大敗斬首數千級王弘立死吳迴退保徐城

泗州之圍始解泗州被圍凡七月

泗州自去年九月末受圍

守城者

不得寐面目皆生瘡龐勛留豐縣數日欲引兵西擊

康承訓或曰天時向暑蠶麥方急不若且休兵聚食然

後圖之或曰將軍出師數日摧七萬之衆

謂破魏博之兵也

西

軍震恐

西軍謂康承訓之軍也時屯柳子其地在豐縣之西

乘此聲勢彼破走必

矣時不可失龐舉直以書勸勦乘勝進軍勦意遂決丁

未發豐縣庾戍至蕭約襄城留武小睢諸寨兵合五六

萬人以二十九日遲明攻柳子

遲直利翻待也

淮南敗卒在賊

中者

李湘表公弁之兵也

逃詣康承訓告以其期承訓得先為之

備秣馬整衆設伏以待之丙辰襄城等兵先至柳子遇

伏敗走龐勦既自失期遽引兵自三十里外赴之比至

此必諸寨已敗，勛所將皆市井白徒，覩官軍勢盛，皆不利翻。

戰而潰，承訓命諸將急追之，以騎兵邀其前，步卒蹙其

後，賊狼狽不知所之，自相蹈藉，僵尸数十里。

藉，慈夜翻。僵，居良翻。

死者數萬人，勛解甲服布襦而遁。

襦，汝朱翻。短衣也。

收散卒纔

及三千人歸彭城。

考異曰：實錄勛敗於柳子，在五月。蓋約奏到書之，其他皆如此。雖有月

日不可用，今從彭門紀亂。

使其將張實分諸寨兵屯第城驛。

第城驛在宿州。

西

勛初起下邳，土豪鄭鑑

鑑音逸。

聚衆三千，自備資糧器

械以應之。勛以為將謂之義軍，五月沂州遣軍圍下邳。

下邳縣屬徐州九域志
在州東一百八十里

勛命鑑救之鑑帥所部來降

帥讀

曰率

六月陝民作亂逐觀察使崔莨

陝失冉翻莨如招翻

莨以器

韵自矜不親政事民訴旱莨指庭樹曰此尚有葉何旱

之有杖之民怒故逐之莨逃於民舍渴求飲民以溺飲

之

溺奴弔翻飲之於鴝翻

坐貶昭州司馬

以中書侍郎同平章

事徐商同平章事充荆南節度使癸卯以翰林學士承

旨戶部侍郎劉瞻同平章事

考異曰玉泉子聞見錄曰徐公商判離以瞻為從

事商拜相命官曾不及瞻瞻出於羈旅以楊玄翼樞密
權重可倚以圖事而密啗閣者謁焉瞻有儀表加之詞

辯俊利玄翼一見悅之每玄翼歸第瞻輒候之由是日
加親熟遂許以內廷之拜既有日矣瞻即復謁徐公曰
相公遇聽以某辱在門館幸遇相公登庸四海之人孰
不受相公之惠某故相公從事窮饑日如且環歲矣相
公曾不以下位處之某雖不佞亦相公之恩不終也今
已別有計矣請從此辭即下拜焉商初聞瞻言徒唯唯
而已迨聞別有計不覺愕然方欲遜謝瞻已疾趨出矣
明日內謁子出以瞻為翰林學士舊瞻傳劉瑒作相以
宗人遇之薦為翰林學士按瞻素有清節必不至如玉
泉子所云恐出於愛憎之說聞見錄又云玄翼為鳳翔
監軍瞻即出為太原亞尹鄭從謹為節度使殊不禮焉
洎復入翰林而作相也常謂人曰吾在北門為鄭尚書
冷將息不復病熱矣從謹南海之命瞻所致也按舊傳
瞻自戶部侍郎承旨出為太原尹河東節度使瞻為學
士若非罪謫恐不為少尹又舊紀咸通十二年十二月
鄭從謹自宣武節度使為廣州在瞻驪州後故知玉泉

子所記皆虛今不取瞻桂州人也 馬舉自泗州引兵攻濠州拔

招義鍾離定遠

招義漢睢臨縣地宋置濟陰郡隋廢郡為化明縣武德七年改為招義鍾離漢

古縣定遠漢曲陽縣地梁改為定遠唐皆屬濠州九域志招義在州東一百二十四里定遠在州南八十里

劉行及設寨於城外以拒守舉先遣輕騎挑戰

挑徒賊了翻

見其衆少爭出寨西擊之舉引大軍數萬自它道擊其

東南遂焚其寨賊入固守舉塹其三面而圍之北面臨

淮賊猶得與徐州通龐勛遣吳迴助行及守濠州屯兵

北津以相應

北津淮水之北岸也凡臨水濟渡之處謂之津

舉遣別將度淮擊

之斬獲數千平其寨 曹翔之退屯兗州也留滄州卒

四千人戍魯橋

滄州卒橫海之兵也九域志濟州任城縣有魯橋鎮

卒擅還翔曰

以龐勛作亂故討之今滄卒不從約束是自亂也勒兵

迎之圍於兗州城外擇違命者二千人悉誅之朝廷聞

魏博軍敗以將軍宋威為徐州西北面招討使將兵三

萬屯於豐蕭之間翔復引兵會之

復扶又翻

秋七月康承訓

克臨渙殺獲萬人遂拔襄城留武小睢等寨曹翔拔滕

縣進擊豐沛賊諸寨戍兵多相帥逃匿保據山林

帥讀曰率

賊抄掠者過之

抄楚交翻

輒為所殺而五八村尤甚有陳全

裕者為之帥

帥所類翻

凡叛勛者皆歸之衆至數千人戰守

之具皆備環地數千里

環音宦

賊莫敢近

近其新翻

康承訓遣

人招之遂舉衆來降賊黨益離蘄縣土豪李袞殺賊守

將舉城降於承訓

蘄漢古縣唐屬宿州九域志在州南三十六里

沛縣守將李

直詣彭城計事裨將朱玫舉城降於曹翔

玫莫枉翻

直自彭

城還玫逆擊走之翔發兵戍沛玫邠州人也勛遣其將

孫章許佶各將數千人攻陳全裕朱玫皆不克而還

還從

宣翻康承訓乘勝長驅拔第城進抵宿州之西築城而守

之龐勛憂懣不知所為但禱神飯僧而已

懣莫困翻心煩也飯扶晚

翻

初龐勛怒梁丕專殺姚周黜之使徐州舊將張玄

稔代之治州事

治直之翻

以其黨張儒張實等將城中兵數

萬拒官軍儒等列寨數重于城外環水自固

重直龍翻環音宦

康承訓圍之張實夜遣人潛出以書白勛曰今國兵盡

在城下

國兵謂官軍也

西方必虛將軍宜引兵出其不意掠宋

毫之郊彼必解圍而西將軍設伏要害迎擊其前實等

出城中兵蹙其後破之必矣時曹翔使朱攻擊豐破之
乘勝攻徐城下邳皆拔之斬獲萬計勛方憂懼欲走得
實書即從其策使龐舉直許佖守徐州引兵而西八月

壬子康承訓焚外寨張儒等入保羅城

外寨宿州城外之寨羅城宿州

羅城也

官軍攻之死者數千人不能克

考異曰舊紀實錄皆云八月康承

訓攻柳子寨垂克而賊將王弘立救至王師大敗承訓
退保宋州龐勛乘勝自帥徐州勁卒併攻泗州留其都
將許佖守徐州詔馬舉援泗州按弘立救柳子為承訓
所敗兼於時弘立已死於泗州勛亦未嘗親攻泗州舊
紀實錄
承訓患之遣辯士於城下招諭之張玄稔嘗戍

邊有功雖脅從於賊心嘗憂憤

心嘗當作常

時將所部兵守

子城夜召所親數十人謀歸國因稍令布諭協同者衆

乃遣腹心張臯夜出以狀白承訓約期殺賊將舉城降

至日請立青旌為應使衆心無疑

木行色青木主生使立青旌以示不殺

承訓大喜從之九月丁巳張儒等飲酒於柳溪亭玄稔

使部將董厚等勒兵於亭西玄稔先躍馬而前大呼曰

龐勛已梟首於僕射寨中

呼火故翻僕射謂承訓也

此輩何得尚存

士卒競進遂斬張儒等數十人城中大擾玄稔諭以歸

國之計及暮而定戊午開門出降玄稔見承訓肉袒膝

行涕泣謝罪承訓慰勞

勞力到翻下賞勞同

即宣敕拜御史中丞

賜遺甚厚

遺唯季翻

玄稔復進言

復扶又翻

今舉城歸國四遠未

知請詐為城陷引衆趨符離及徐州

趣七喻翻下同

賊黨不疑

可盡擒也承訓許之宿州舊兵三萬承訓益以數百騎

皆賞勞而遣之玄稔復入城暮發平安火如常日己未

向晨玄稔積薪數千束縱火焚之如城陷軍潰之狀直

趨符離符離納之既入斬其守將號令城中皆聽命收

其兵復得萬人

復扶又翻

北趨徐州龐舉直許佶聞之嬰城

拒守辛酉玄稔至彭城引兵圍之按兵未攻先諭城上

人曰朝廷唯誅逆黨不傷良人汝曹奈何為賊城守

為于

偽翻若尚狐疑須臾之間同為魚肉矣於是守城者稍稍

弃甲投兵而下崔彥曾故吏路審中開門納官軍龐舉

直許佶帥其黨保子城

帥讀曰率

日昃賊黨自北門出玄稔

遣兵追之斬舉直佶首餘黨多赴水死悉捕戍桂州者

親族斬之死者數千人徐州遂平龐勛將兵二萬白石

山西出所過焚掠無遺庚申承訓始知引步騎八萬西

擊之使朱邪赤心將數千騎為前鋒

考異曰彭門紀亂云沙陀都頭朱

邪赤表按獻祖紀年錄當作赤心紀亂誤也

勛襲宋州陷其南城刺史鄭處

冲守其北城

處呂翻

賊知有備捨去度汴南掠亳州

九城志宋

州南至亳州一百二十里

沙陀追及之勛引兵循渙水而東將歸彭

城為沙陀所逼不暇飲食至斬

斬秦漢古縣宋置譙郡齊為北譙郡時為縣屬

宿州九域志在州南三十六里

將濟水李袞發橋勒兵拒之賊惶惑不

知所之至縣西官軍大集縱擊殺賊近萬人

近其斬翻

餘皆

溺死降者纔及千人勛亦死而人莫之識數日乃獲其

尸得之於是閭里小兒競歌之曰得節不得節不過十

二月即龐勛九年十月十七日作亂十年九月十九日
就戮通其閏月計之正一歲而滅按六日承訓知勛掠
毫宋即追之至蘄縣得之恐未至十九日疑是九
日也新紀九月癸酉龐勛伏誅用彭門紀亂也賊宿

遷等諸寨皆殺其守將而降

宿遷晉宿預縣也唐避代宗諱改曰宿遷屬徐州在

下邳東南一百八十里

宋威亦取蕭縣吳迴獨守濠州不下冬十

月以張玄稔為右驍衛大將軍御史大夫馬舉攻濠州
自夏及冬不克城中糧盡殺人而食之官軍深塹重圍

以守之

重直龍翻

辛丑夜吳迴突圍走舉勒兵追之殺獲殆

盡迴死於招義以康承訓為河東節度使同平章事以

杜悛為義成節度使上嘉朱邪赤心之功置大同軍於

雲州以赤心為節度使

會昌中已置大同軍團練使於雲州尋為防禦公陞為節鎮

召見留為左金吾上將軍賜姓名李國昌

其後李國昌父子卒以雲

州起兵蓋尋遣之還鎮也薛史曰赤心賜姓名系鄭王房見賢通翻

賞賚甚厚以辛讜為

亳州刺史讜在泗州犯圍出迎兵糧往返凡十二及除

亳州上表言臣之功非杜悛不能成也賜和州刺史崔

雍自盡

以其開門延賊也

考異曰舊紀八月和州防禦行官石侔等訟雍罪其月賜自盡實錄訟在

八月賜自盡在十月今從之

家屬流康州兄弟五人皆遠貶上荒

宴不親庶政委任路巖巖奢靡頗通賂遺

遺唯李翻

左右用

事至德令陳蟠叟因上書召對

肅宗至德元載分鄱陽秋浦置至德縣屬饒州時屬池州

言請破邊咸一家可贍軍二年上問咸為誰對曰路巖

親吏上怒流蟠叟於愛州自是無敢言者初南詔遣

使者楊酋慶來謝釋董成之囚

釋董成見上卷七年

定邊節度使

李師望欲激怒南詔以求功遂殺酋慶西川大將恨師

望分裂巡屬

謂分西川巡屬邛崃等州別立定邊軍也事見上九年六月

陰遣人致

意南詔使人寇師望貪殘聚私貨以百萬計戍卒怨怒

欲生食之師望以計免朝廷徵還以太府少卿竇滂代

之滂貪殘又甚於師望故蠻寇未至而定邊固已困矣

是月南詔驃信酋龍傾國入寇引數萬衆擊董春烏部

破之

董春烏部西州附塞蠻也

十一月蠻進寇嵩州定邊都頭安再

榮守清溪關蠻攻之再榮退屯大渡河北與之隔水相

射

射而亦翻

九日八夜蠻密分軍開道逾雪坡奄至沐源川

雪坡雪嶺之坡也沐源川在嘉州羅目縣界麟德二年

開生榛置羅目縣及沐州後廢沐州以羅目屬嘉州宋

朝又廢羅目為鎮屬峨眉縣滂遣充海將黃卓帥五百

又令嘉州犍為縣有沐川鎮

人拒之舉軍覆沒

帥讀曰率

十二月丁酉蠻衣充海之衣詐

為敗卒至江岸呼船

蠻衣於既翻此江青衣江也

已濟衆乃覺之遂

陷犍為縱兵焚掠陵榮二州之境

犍為漢郡名後周置武陽縣隋開皇初改

名犍為因山為名也唐屬嘉州九域

志在州東南一百二十里犍居言翻

後數日蠻軍大集

於陵雲寺與嘉州對岸

嘉州漢犍為郡南安縣地梁武帝開通外徵立青州取青衣以

為名西魏改青州為眉州取峨眉山以為名後周復曰

青州又改曰嘉州取漢嘉郡以為名隋又改曰眉州唐

復曰嘉州別置眉州於漢武陽縣地陵雲寺在嘉州南山開元中僧海通於瀆江沫水濛水三江之會悍流怒浪之濱鑿山為彌勒大像高踰刺史楊恣恣莫中翻與定邊三百六十尺建七層閣以覆之

監軍張允瓊勒兵拒之蠻潛遣奇兵自東津濟夾擊官

軍殺忠武都將顏慶師餘衆皆潰恣允瓊脫身走壬子

陷嘉州慶師慶復之弟也竇滂自將兵拒蠻於大渡河

驃信詐遣清平官數人詣滂結和滂與語未畢蠻乘船

棧爭渡忠武徐宿兩軍結陳抗之

徐宿舊武寧軍以其軍數亂逆罷節鎮陳

讀曰滂懼自經於帳中徐州將苗全緒解之曰都統何

至於是全緒與安再榮及忠武將勒兵出戰滂遂單騎

宵遁三將謀曰今衆寡不敵明旦復戰吾屬盡矣

復扶又翻

不若乘夜攻之使之驚亂然後解去於是夜入蠻軍弓

弩亂發蠻大驚三將乃全軍引去蠻進陷黎雅民竄匿

山谷敗軍所在焚掠滂奔導江

導江本劉蜀所置都安縣後周改為汶山唐改

曰導江屬彭州九域志在州西九十里

邛州軍資儲侍皆散於亂兵之手

侍犬里翻蠻至城已空通行無礙矣

考異曰張雲咸通解圍錄曰十年十月南蠻

衆擊董春烏部落傾其巢窟春烏以其衆保北柵俄而蠻掩至沐源川遂通嘉州南自清黎闌冠黎雅張彭錦

里耆舊傳曰十一年庚寅節度使盧僕射耽冬雲南蠻
數萬寇邊突破清溪關犯大渡河遂進陷沈黎突邛崃
直雅邛按解圍錄新舊紀皆在十年冬而彭獨以為十
一年冬誤也新傳曰十年乃入寇以兵綴清溪關密引
衆伐木開道徑雪坡盛夏卒凍死者二千人出沐源闕
嘉州按蠻以十一月至沐源川非盛夏新傳誤也實錄
又曰驃信以十月三日離善闡每人止將米炒一斗隨
身乃詔高駢乘其國內無兵備進攻善闡以解衝突按
駢時為鄆州節度使不在安南恐實錄誤也

詔左神武將軍顏慶復將兵赴

援

資治通鑑卷二百五十一

欽定四庫全書薈要卷七千二百三十八

史部

資治通鑑卷二百五十二 宋 司馬光 撰

胡三省 音註

唐紀六十八

起上章攝提格盡
柔兆涒灘凡七年

懿宗昭聖恭惠孝皇帝下

咸通十一年春正月甲寅朔羣臣上尊號曰睿文英武
明德至仁大聖廣孝皇帝赦天下 西川之民聞蠻寇
將至爭走入成都時成都但有子城亦無壕人所占地

占之各不過一席許雨則戴箕盥以自庇又乏水取摩

贍翻

訶池泥汁澄而飲之

成都記摩訶池在張儀子城內隋蜀王秀取上築廣子城因為池有

胡僧見之曰摩訶宮毗羅蓋胡僧謂摩訶為大宮毗羅為龍謂此池廣大有龍耳因名摩訶池或曰蕭摩訶所

開非也池今在成都縣東南十二里將士不習武備節度使盧耽召彭州

刺史吳行魯使攝參謀與前瀘州刺史楊慶復

考異曰新傳

云瀘州刺史楊慶錦里耆舊傳云嘉州誤也今從解圍錄

共修守備選將校分職事

將即亮翻下同校戶教翻

立戰棚具礮檣

棚蒲庚翻礮普教翻檣盧對翻檣木也自城上下之

以壓敵造器備嚴警邏先是西川將士多虛職名亦無稟

給

先悉薦翻

至是揭榜募驍勇之士

遷郎佐翻揭丘傑翻

補以實職厚

給糧賜應募者雲集慶復乃諭之曰汝曹皆軍中子弟

年少材勇

少始照翻

平居無由自進今蠻寇憑陵乃汝曹取

富貴之秋也可不勉乎皆歡呼踊躍於是列兵械于庭

使之各試所能兩兩角勝察其勇怯而進退之得選兵

三千人號曰突將行魯彭州人也戊午蠻至眉州耽遣

同節度副使王偃等齎書見其用事之臣杜元忠與之

約和蠻報曰我輩行止只繫雅懷路巖韋保衡上言

康承訓討龐勛時逗撓不進

上時掌翻逗音豆撓奴教翻

又不能盡

其餘黨又貪虜獲不時上功

上時掌翻

辛酉貶蜀王傅分司

蜀王信皇子也

考異曰新傳云宰相路巖韋保衡劾

承訓討賊逗撓貪虜獲不時上功貶蜀王傅分司東都

按此時保衡未為相蓋以尚主

之故上用其言故得擠承訓也尋再貶恩州司馬南

詔進軍新津

新津漢武陽縣後周改為新津唐屬蜀州九域志在州東南七十里

定邊之

北境也盧耽遣同節度副使譚奉祀致書於杜元忠問

其所以來之意蠻留之不還耽遣使告急於朝

朝直遙翻

且

請遣使與和以紓一時之患朝廷命知四方館事太僕

卿支詳為宣諭通和使

晏公類要曰舊儀於通事舍人中以宿長一人總知館事謂之

館主凡四方貢納及章表皆受而進之蠻以耽待之恭

唐自中世以後始以他官判四方館事

亦為之盤桓

偽翻而成都守備由是粗完

五翻

甲子蠻

長驅而北陷雙流

雙流漢廣都縣地隋置雙流縣唐屬成都府九域志在府南四十里庚

午耽遣節度副使柳槃往見之杜元忠授槃書一通曰

此通和之後驃信與軍府相見之儀也其儀以王者自

處

呂翻

語極驕慢又遣人負綵幕至城南云欲張陳蜀

王廳以居驃信

隋蜀王秀鎮蜀起廳事極為宏壯廳他經翻

癸酉廢定邊軍

復以七州歸西川

七州即眉蜀雅嘉黎雋也

是日蠻軍抵成都城下

前一日盧耽遣先鋒遊奕使王晝至漢州訶援軍且趣

之

詞翻正翻又火
迴翻趣讀曰促

時興元六千人鳳翔四千人已至漢

州會竇滂以忠武義成徐宿四千人自導江奔漢州就

援軍以自存丁丑王晝以興元資簡兵三千餘人軍於

毗

毗橋在漢
州南界

遇蠻前鋒與戰不利退保漢州時成都日

望援軍之至而竇滂自以失地

謂失定
邊軍也

欲西川相繼陷

沒以分其責每援軍自北至輒說之曰蠻衆多於官軍

數十倍官軍遠來疲弊未易遽前

說式芮翻
易以鼓翻

諸將信之

皆狐疑不進成都十將李自孝陰與蠻通欲焚城東倉

為內應城中執而殺之後數日蠻果攻城久之城中無

應而止二月癸未朔蠻合梯衝四面攻成都城上以鉤

縲挽之使近

梯雲梯衝衝車也縲于善翻
屈轉其索如環鉤施於其端

投火沃油焚

之攻者皆死盧耽以楊慶復攝左都押牙李驤各帥突

將出戰

帥讀曰率

殺傷蠻二千餘人會暮焚其攻具三千餘

物而還蜀人素怯其突將新為慶復所獎拔且利於厚

賞勇氣自信其不得出者皆憤鬱求奮後數日賊取民

籬重沓濕而屈之以為蓬

重直龍翻蓬當作蓬編竹以覆舟口蓬言濕籬而屈之狀

如舟之

置人其下舉以抵城而斫之

斫陟玉翻斫也掘也

矢石不

能入火不能然

然與燃同燒也

慶復鎔鐵汁以灌之攻者又死

乙酉支詳遣使與蠻約和丁亥蠻斂兵請和戊子遣使

迎支詳時顏慶復以援軍將至詳謂蠻使曰受詔詣定

邊約和今雲南乃圍成都則與尋日詔旨異矣且朝廷

所以和者冀其不犯成都也今矢石晝夜相交何謂和

乎蠻見和使不至

使並疏
吏翻

庚寅復進攻城

復扶
又翻

辛卯城

中出兵擊之乃退初韋臯招南詔以破吐蕃既而蠻訴

以無甲弩臯使匠教之數歲蠻中甲弩皆精利又東蠻

苴那時勿鄧夢衝三部助臯破吐蕃有功

事見二百三
十三卷德宗

興元
五年

其後邊吏遇之無狀東蠻怨唐深自附於南詔每

從南詔入寇為之盡力

為于
偽翻

得唐人皆虐殺之朝廷貶

竇滂為康州司戶以顏慶復為東川節度使凡援蜀諸

軍皆受慶復節制癸巳慶復至新都

九域志新都縣在
成都府北四十五

里蠻分兵往拒之甲午與慶復遇慶復大破蠻軍殺二

千餘人蜀民數千人爭操芟刀白梃以助官軍

操七刀
翻芟刀

農家所以芟
草梃蒲項翻

呼聲震野

呼火
故翻

乙未蠻步騎數萬復至

復
扶

又翻會右武衛上將軍宋威以忠武二千人至即與諸軍

會戰蠻軍大敗死者五千餘人退保星宿山

宿音
秀

威進

軍沱江驛

沱江驛在成都府新繁縣禹貢
岷山導江別為沱沱徒河翻

距成都三十

里蠻遣其臣楊定保詣支詳請和詳曰宜先解圍退軍

定保還蠻圍城如故城中不知援軍之至但見其數來

請和數所

知

援軍必勝矣戊戌蠻復請和使者十返城

中亦依違答之蠻以援軍在近攻城尤急驃信以下親

立矢石之間庚子官軍至城下與蠻戰奪其升遷橋升

遷

橋即升僊橋秦時李冰所起舊名七星橋

是夕蠻自燒攻具遁去比明官軍

乃覺之

比必利

初朝廷使顏慶復救成都命宋威屯綿

漢為後繼

綿漢二州名

威乘勝先至城下破蠻軍功居多慶

復疾之威飯士欲追蠻軍

飯扶晚翻

城中戰士亦欲與北軍

合勢俱進慶復牒威奪其軍勒歸漢州蠻至雙流阻新

穿水

九域志蜀州新津縣有新穿鎮

造橋未成狼狽失度

失度者失其常度也

三

日橋成乃得過斷橋而去

斷丁管翻

甲兵服物遺棄於路蜀

人甚恨之黎州刺史嚴師本收散卒數千保邛州蠻圍

之二日不克亦捨去顏慶復始教蜀人築壅門城

城門之外

別築垣牆以遮城門謂之壅門今人謂之八卦牆者是也

穿塹引水滿之植鹿角分

營鋪

斬木為鹿角植之城外以限衝突今人謂之排杈者是分立寨屋謂之營以居士卒城上分立小屋

使守卒居之以候望謂之鋪鋪普故翻

蠻知有備自是不復犯成都矣

復扶

又翻先是西川牙將有職無官

先悉薦翻

及拒却南詔四人以

功授監察御史

此所謂官也

堂帖人輸堂例錢三百緡貧者

苦之

有功授官而徵其輸錢史言唐之紀綱大壞

三月左僕射同平章事

曹確同平章事充鎮海節度使

夏四月丙午以翰林

學士承旨兵部侍郎韋保衡同平章事

徐賊餘黨猶

相聚閭里為羣盜散居兗鄆青齊之間詔徐州觀察使

夏戾瞳招諭之

瞳徒紅翻

五月丁丑以邛州刺史吳行魯

為西川留後

光州民逐刺史李弱翁弱翁奔新息

新息

漢古縣唐屬蔡州九域志在州東南二百五十五里去光州九十里

左補闕楊堪等上言

刺史不道百姓負冤當訴於朝廷寘諸典刑豈得羣黨

相聚擅自斥逐亂上下之分此風殆不可長

分扶問翻長知兩翻

宜加嚴誅以懲來者上令百官議處置徐州之宜

處昌

呂翻六月丙午太子少傅李膠等狀以為徐州雖屢構禍

亂謂銀刀及桂州戍卒也

未必比屋頑凶

比毗必翻

蓋由統御失人是

致姦回乘釁今使名雖降

謂降節度為觀察使疏吏翻

兵額尚存以

為支郡則糧餉不給分隸別藩則人心未服或舊惡相

濟更成披猖惟泗州向因攻守結釁已深

事見上卷九年十年

宜

有更張庶為兩便

更工
衡翻

詔從之徐州依舊為觀察使統

徐濠宿三州泗州為團練使割隸淮南加幽州節度

使張允伸兼侍中

秋八月乙未同昌公主薨上痛悼

不已殺翰林醫官韓宗邵等二十餘人悉收捕其親族

三百餘人繫京兆獄中書侍郎同平章事劉瞻召諫官

使言之諫官莫敢言者乃自上言

上時
掌翻

以為修短之期

人之定分昨公主有疾深軫聖慈宗邵等診療之時

且診

忍翻候脉也療
力照翻治疾也

惟求疾愈備施方術非不盡心而禍福

難移竟成差跌

跌徒結翻

原其情狀亦可哀矜而械繫老幼

三百餘人物議沸騰道路嗟歎奈何以達理知命之君

涉肆暴不明之謗蓋由安不慮危忿不思難之故也伏

願少回聖慮寬釋繫者上覽疏不悅瞻又與京兆尹溫

璋力諫於上前上大怒叱出之魏博節度使何全皞

年少驕暴好殺

少詩照翻好呼到翻

又減將士衣糧將士作亂全

皞單騎走追殺之

何進滔得魏博傳三世四十二年而滅

推大將韓君雄

為留後成德節度使王景崇為之請旌節

為之于偽翻

九月

庚戌以君雄為魏博留後

丙辰以劉瞻同平章事充

荆南節度使貶溫璋振州司馬璋歎曰生不逢時死何

足惜是夕仰藥卒

仰牛
向翻

勅曰苟無蠹害何至於斯惡實

貫盈死有餘責宜令三日內且於城外權瘞

瘞於
計翻

俟經

恩宥方許歸葬使中外快心姦邪知懼已已貶右諫議

大夫高湘比部郎中知制誥楊知至禮部郎中魏瓘等

於嶺南

比音毗
都郎翻

皆坐與劉瞻親善為韋保衡所逐也

知至汝士之子

汝士虞卿從兄也見二百
四十一卷穆宗長慶元年

瓘扶之子也

魏扶見二百四十八
卷宣宗大中三年

保衡又與路巖共奏劉瞻云與醫

官通謀誤投毒藥

譖言誤投毒藥以致同昌公主於死然既言誤矣又安可以謂通謀邪

丙子貶瞻康州刺史

康州去京師五千七百里

翰林學士承旨鄭

畋草瞻罷相制辭曰安數畝之居仍非已有却四方之

賂惟畏人知巖謂畋曰侍郎乃表薦劉相也坐貶梧州

刺史

梧州漢蒼梧郡所治廣信縣地唐置梧州去京師五千五百里

御史中丞孫瑄坐

為瞻所引用亦貶汀州刺史

理戶盲翻又音皇

路巖素與劉瞻

論議多不叶瞻既貶康州巖猶不快閱十道圖以驩州

去長安萬里再貶驩州司戶

驩州陸路至長安一萬二千四百五十二里水路一

萬七千里

考異曰實錄新傳皆云巖志欲殺之賴幽

州節度使張公素

表論瞻寬乃止按是時張允伸鎮幽

州云公素

恐誤也

冬十月癸卯以西川留後吳行魯為節度

使十一月辛亥以兵部尚書鹽鐵轉運使王鐸為禮

部尚書同平章事鐸起之兄子也

王起見二百四十一卷長慶元年鐸起兄

炎之子

丁卯復以徐州為感化軍節度

徐州本武寧軍中有銀刀之亂

罷節鎮為觀察今復為感化軍

十二月加成德節度使王景崇同平

章以左金吾上將軍李國昌為振武節度使

十二年春正月辛酉葬文懿公主

同昌公主 諡文懿

韋氏之人

爭取庭祭之灰汰其金銀

勃祭之於韋氏之庭 故曰庭祭汰淘也

凡服玩

每物皆百二十輿以錦繡珠玉為儀衛明器輝煥三十

餘里

記檀弓孔子謂為明器者知喪道矣備物而不賜可用也其曰明器神明之也何取於輝煥乎

賜

酒百斛餅餤四十橐駝以飼休夫

餤于庶翻又徒井翻 飼祥吏翻休蒲本翻

休夫舉樞之夫也

上與郭淑妃思公主不已樂工李可及作歎

百年曲其聲悽惋

數百年曲歷叙人自少而壯自壯而老少時姁好壯時追歡極樂老時衰

颯之狀其聲悽切感動人心惋為貫翻

舞者數百人發內庫雜寶為其首

飾以絕八百匹為地衣舞罷珠璣覆地

絕式支翻覆數救翻

以

魏博留後韓君雄為節度使門下侍郎同平章事路

巖與韋保衡素相表裏勢傾天下既而爭權浸有隙保

衡遂短巖於上夏四月癸卯以巖同平章事充西川節

度使巖出城路人以瓦礫擲之

礫郎狄翻

權京兆尹薛能巖

所擢也巖謂能曰臨行煩以瓦礫相餞能徐舉笏對曰

鄉來宰相出府司無例發人防衛

府司謂京兆府所司

巖甚慙能

汾州人也

能音裳來切

五月上幸安國寺賜僧重謙僧澈

沈檀講座二各高二丈

以沈香檀香為講座也
沈持林翻高古號翻

設萬人

齋 秋七月以兵部尚書盧耽同平章事充山南東道

節度使 冬十月以兵部侍郎鹽鐵轉運使劉鄩為禮

部尚書同平章事

十三年春正月幽州節度使張允伸得風疾請委軍政
就醫許之以其子簡會知留後疾甚遣使上表納旌節

丙申薨允伸鎮幽州二十三年

宣宗大中年張允
伸代周繼鎮幽州 勤

儉恭謹邊鄙無警上下安之 二月丁巳以兵部侍郎

同平章事于琮為山南東道節度使以刑部侍郎判戶部奉天趙隱為戶部侍郎同平章事平州刺史張公

素素有威望為幽人所服張允伸薨公素帥州兵來奔

喪

帥讀曰率

張簡曾懼三月奔京師以為諸衛將軍

汎言諸衛將軍

不言何衛史畧之也

夏四月立皇子保為吉王傑為壽王倚為

睦王

以張公素為平盧留後

平盧當作盧龍

五月國子司

業韋殷裕詣閣門告郭淑妃弟內作坊使敬述陰事

內作

坊使內諸司使之一掌造內庫軍器

上大怒杖殺殷裕籍沒其家

考異曰續寶

運錄曰內作使郭敬述與宰相保衡張能順頻於內宅飲酒潛通郭妃荒穢頗甚每封進文書於金合內詐稱果子內連郭妃郭敬述外結張能順國子司業韋殷裕擬傾皇祚別立太子事泄遽加貶降五月十四日內勝子貶工部尚書嚴所郴州刺史給事中李貺勤州刺史給事中張鐸滕州刺史左金吾大將軍李敬仲儋州司戶國子司業韋殷裕勅京兆府決痛杖一頓處死家貲妻女沒官又貶叙州刺史韋君卿愛州崇平縣尉右僕射右羽林統軍張直方康州司馬績又貶駙馬于琮並扶會與韋保衡同謀不執事其月十七日又貶尚書左丞李當道州刺史史吏部侍郎王諷建州刺史左常侍李都賀州刺史翰林承旨張楊封州司馬中書舍人封彥卿潮州司戶諫議大夫楊塾新州司戶駙馬韋保衡雷州刺史又貶儋州澄邁縣尉又貶驩州長流百姓又賜自盡家貲沒官仍三族不許朝乙亥閣門使田獻鈺廷錄用其語雜亂無稽今從實錄

奪紫改橋陵使

銛思
庶翻

以其受殷裕狀故也殷裕妻父太

府少卿崔元應妻從兄中書舍人崔沆

從才用翻
沆下黨翻

季父

君卿皆貶嶺南官給事中杜裔休坐與殷裕善亦貶端

州司戶沆鉉之子也

崔鉉見二百四十七
卷武宗會昌三年

裔休宗之子

也丙子貶山南東道節度使于琮為普王傅分司

普王

儼皇子也後踐
昨是為僖宗

韋保衡譖之也辛巳貶尚書左丞李當

吏部侍郎王湏

湏房
戎翻

左散騎常侍李都翰林學士承旨

兵部侍郎張昺

昺他計翻
又先擊翻

前中書舍人封彥卿左諫議

大夫楊塾癸未貶工部尚書嚴祁給事中李貺給事中

張鐸左金吾大將軍李敬仲起居舍人蕭邁李瀆鄭彥

特李藻皆處之湖嶺之南

處昌呂翻不詳言各人所貶之地以其無罪故畧之也

坐與琮厚善故也貺漢之子邁寘之子也

李漢見二百四十五卷文

宗太和九年蕭寘見二百五十卷五年

甲申貶前平盧節度使于瑁為涼

王府長史分司

瑁胡夫翻涼王僖皇子也

前湖南觀察使于瓌為袁

州刺史瓌瑁皆琮之兄也尋再貶琮韶州刺史

隋於曲江縣置

韶州以縣北八十里韶石為名至京師四千九百三十二里

琮妻廣德公主上之妹

也廣德縣屬宣州

與琮偕之韶州行則肩輿門相對坐則執琮

之帶琮由是獲全時諸公主多驕縱惟廣德動遵法度
事于氏宗親尊卑無不如禮內外稱之 六月以盧龍

留後張公素為節度使 韋保衡欲以其黨裴條為郎

官憚左丞李璋方巖恐其不放上

尚書左右丞分總六曹二十四司郎官凡

除授非其人左右丞得以糾劾之不令赴省供職上時掌翻

先遣人達意璋曰朝廷

遷除不應見問

秋七月乙未以璋為宣歙觀察使

欽書

涉翻 八月歸義節度使張義潮薨沙州長史曹義金代

領軍府制以義金為歸義節度使是後中原多故朝命

不及回鶻陷甘州自餘諸州隸歸義者多為羌胡所據

自唐末迄于宋朝河湟之地遂悉為戎中國不能復取朝直遙翻

冬十二月追上宣

宗謚曰元聖至明成武獻文睿智章仁神聰懿道大孝

皇帝

上時掌翻

振武節度使李國昌恃功恣橫

橫戶孟翻

專殺

長吏

長知大翻

朝廷不能平徙國昌為大同軍防禦使國昌

稱疾不赴

史言沙陀跋扈不待殺段文楚而後動於惡

十四年春三月癸巳上遣勅使詣法門寺迎佛骨羣臣

諫者甚衆至有言憲宗迎佛骨尋晏駕者

事見憲宗紀元和十四年

死者人所甚諱也况言之於人主之前乎言之至此人所難也

上曰朕生得見之死亦

無恨廣造浮圖寶帳香輦幡花幢蓋以迎之

幡孚袁翻幢傳江翻

史炤曰幢童也其狀童童然

皆飾以金玉錦繡珠翠自京城至寺三

百里間道路車馬晝夜不絕夏四月壬寅佛骨至京師

導以禁軍兵仗公私音樂沸天燭地綿亘數十里儀衛

之盛過於郊祀元和之時不及遠矣富室夾道為綵樓

及無遮會競為侈靡上御安福門降樓膜拜

膜拜胡禮拜也膜莫

手翻流涕霑臆賜僧及京城耆老嘗見元和事者金帛迎

佛骨入禁中三日出置安國崇化寺宰相已下競施金

帛不可勝紀

施式鼓翻勝音升

因下德音降中外繫囚

五月

丁亥以西川節度使路巖兼中書令

考異曰錦里耆舊傳十二年八月

路公用邊咸郭籌策奏於邛州置定邊軍節度使復制
扼大渡河脩邛崃關南路米點擅丁子弟教之斫刺刀
補義軍將主管教練兵士新傳巖至西川承蠻盜邊後
巖力拊循置定邊軍於邛州扼大渡治故關取檀丁子
弟教擊刺補屯籍由是西山八國來朝以勞遷兼中
書令按置定邊軍乃李師望耆舊傳新傳皆誤也

南詔寇西川又寇黔南黔中經畧使秦匡謀兵少不敵

弃城奔荆南

黔渠今翻少詩沼翻

荆南節度使杜悰囚而奏之六

月乙未勅斬匡謀籍沒其家貲親族應緣坐者令有司搜捕以聞匡謀鳳翔人也以中書侍郎同平章事王

鐸同平章事充宣武節度使時韋保衡挾恩弄權以劉瞻于琮先在相位不禮於已譖而逐之王鐸保衡及第時主文也

唐禮部校文主司謂之主文

蕭遘同年進士也二人素薄

保衡之為人保衡皆擯斥之

考異曰舊傳云保衡以楊叔路嚴在中書不加禮

接媒藥逐之按收獲罪時保衡未為相蓋保衡雖為學士懿宗寵任之故能譖收也又曰公主薨自後恩禮漸

薄按路巖于琮王鐸蕭邁被
擯皆在公主薨後今從實錄

秋七月戊寅上疾大漸

左軍中尉劉行深右軍中尉韓文約立少子普王儼考

異曰范質五代通錄梁李振謂陝州護軍韓彛範曰懿
皇初升遐韓中尉殺長立少以利其權遂亂天下今將
軍復欲爾邪彛範即文約孫也按懿宗八子僖宗第五
餘子新舊書不載長幼又不言所終不言所殺者果何
也王

庚辰制立儼為皇太子

日考異曰續實運錄云其

問疾上微道朕三字而止羣臣不覺號哭失聲中外悉
皆垂泣按是時宰相韋保衡最在上蕭鄴不為相今不

取權句當軍國政事

句古侯翻
當丁浪翻

辛巳上崩于咸寧殿

四年

一遺詔以韋保衡攝冢宰僖宗即位八月丁未追尊母

王貴妃為皇太后劉行深韓文約皆封國公 關東河

南大水 九月有司上先太后謚曰惠安

先太后謂上母王貴妃也

上時掌翻

司徒門下侍郎同平章事韋保衡怨家告以陰

事貶保衡賀州刺史樂工李可及流嶺南可及有寵於

懿宗嘗為子娶婦

為子偽翻

懿宗賜之酒二銀壺啓之無酒

而中實右軍中尉西門季玄屢以為言懿宗不聽可及
嘗大受賜物載以官車季玄謂曰汝它日破家此物復
應以官車載還非為受賜徒煩牛足耳及流嶺南籍沒

其家果如季玄言

史言小人寵過而禍及

以西川節度使路巖

兼侍中加成德節度使王景崇中書令魏博節度使韓

君雄盧龍節度使張公素天平節度使高駢並同平章

事君雄仍賜名允中

考異曰舊傳作允忠實錄新傳皆作允中今從之

冬十

月乙未以左僕射蕭倣為門下侍郎同平章事 韋保

衡再貶崖州澄邁令

澄邁隋縣唐屬瓊州九域志在州西五十五里

尋賜自盡

又貶其弟翰林學士兵部侍郎保乂為賓州司戶所親

翰林學士戶部侍郎劉承雍為涪州司馬

涪音浮

承雍禹

錫之子也

劉禹錫見二百三十六卷順宗永貞元年

癸卯赦天下

西川

節度使路巖喜聲色遊宴

喜許記翻

委軍府政事於親吏邊

咸郭籌皆先行後申上下畏之嘗大閱二人議事默書

紙相示而焚之軍中以為有異圖驚懼不安朝廷聞之

十一月戊辰徙巖荆南節度使咸籌潛知其故遂亡命

以右僕射蕭鄴同平章事充河東節度使十二月

己亥詔送佛骨還法門寺再貶路巖為新州刺史

僖宗惠聖恭定孝皇帝上之上

初名儼改名儼
懿宗第五子

乾符元年

是年十一月方改元

春正月丁亥翰林學士盧攜上言

上時掌翻

以為陛下初臨大寶宜深念黎元國家之有百姓

如草木之有根柢

柢典禮翻又下計翻

若秋冬培溉則春夏滋榮

臣竊見關東去年旱災自號至海

自號州東至于海也

麥纔半收

秋稼幾無冬菜至少貧者磴蓬實為麵蓄槐葉為齏或

更衰羸亦難收拾

幾居依翻少詩沼翻磴五對訓確也麵眠見翻齏牋西翻羸倫為翻

常

年不稔則散之鄰境

之往也

今所在皆饑無所依投坐守

鄉閭待盡溝壑其蠲免餘稅實無可徵而州縣以有上

供及三司錢

戶部轉運鹽鐵為三司

督趣甚急

趣讀曰促

動加捶撻雖

撤屋伐木雇妻鬻子止可供所由酒食之費

所由謂催督租稅之

吏卒未得至於府庫也或租稅之外更有他徭朝廷儻不

撫存百姓實無生計乞勅州縣應所欠殘稅並一切停

徵以俟蠶麥仍發所在義倉亟加賑給

太宗置義倉及常平倉以備凶

荒高宗以後稍假義倉以給他費至神龍中畧盡玄宗即位復置之安史之亂復廢至文宗太和九年以天下回殘錢置常平義倉本錢歲增市之以備賑給至深春之後有菜葉木牙繼以

桑椹漸有可食在今數月之間尤為窘急行之不可稽

緩勅從其言而有司竟不能行徒為空文而已 路巖

行至江陵勅削官爵長流儋州

儋都 其翻

巖美姿儀囚於江

陵獄再宿須髮皆白尋賜自盡籍沒其家巖之為相也

密奏三品以上賜死皆令使者剔取結喉三寸以進

結喉

喉嚨上下相接之處

驗其必死至是自罹其禍所死之處乃楊収

賜死之榻也

史言天之報應不爽楊収賜死見上卷咸通十年

邊咸郭籌捕得

皆伏誅初巖佐崔鉉於淮南為支使

唐制節度使幕屬有掌書記觀察有

支使以掌表牋書翰亦書記之任也

鉉知其必貴曰路十終須作彼一官

巖第十作彼一
官謂作相也

既而入為監察御史不出長安城十年

至宰相其自監察入翰林也鉉猶在淮南聞之曰路十
今已入翰林如何得老皆如鉉言以太子少傅于琮

同平章事充山南東道節度使 二月甲午葬昭聖恭

惠孝皇帝于簡陵

簡陵在京兆富平縣西北四十五里

廟號懿宗

以中

書侍郎同平章事趙隱同平章事充鎮海節度使以華

州刺史裴坦為中書侍郎同平章事

華戶化翻

以虢州刺

史劉瞻為刑部尚書瞻之貶也

懿宗咸通十二年瞻貶

人無賢愚

莫不痛惜及其還也長安兩市人率錢雇百戲迎之安

城中分東西兩市瞻聞之改期由它道而入

考異曰玉泉子見聞錄曰初瞻南

還無問賢不肖一口皆為之痛惜殆將至京東西市豪俠共率泉帛募集百戲將逆於城外瞻知之差期而易路為瞻為相亦無它才能徒以路巖遭時嫉怒瞻為所排而人心歸向耳其實未足譚也按瞻以清慎著聞及懿宗暴怒瞻獨能不顧其身救數百人

之死而玉泉子以為未足談不亦誣乎

夏五月乙未

裴坦薨以劉瞻為中書侍郎同平章事初瞻南還劉鄴

附於韋路共短之

韋路謂韋保衡路巖

及瞻還為相鄴內懼秋八

月丁巳朔鄴延瞻置酒於鹽鐵院

劉鄴以鹽鐵轉運使為相故延劉瞻宴於

鹽鐵院 瞻歸而遇疾卒未薨時人皆以為鵲鳩之也 以

兵部侍郎判度支崔彥昭為中書侍郎同平章事彥昭

羣之從子也

崔羣相憲穆從才用翻

兵部侍郎王凝正雅之從孫

也 王正雅見二百四十卷文宗太和五年 其母彥昭之從母

母之姊妹凝謂之從母凝

彥昭同舉進士凝先及第嘗袞衣見彥昭

袞衣差賣翻袞衣便服不具

禮也 且戲之曰君不若舉明經彥昭怒遂為深仇

唐世重進士而

輕明經故當時有焚香禮進士設幕試明經之語崔彥昭之仇怒王凝蓋以此也

及彥昭為相

其母謂侍婢曰為我多作韞履

偽為我于翻

王侍郎母子必

將竄逐吾當與妹偕行彥昭拜且泣謝曰必不敢凝由

是獲免

考異曰此出中朝故事曰彥昭代凝判鹽鐵半載而入相按實錄彥昭不代凝為鹽鐵其餘則

取之冬十月以門下侍郎同平章事劉鄴同平章事充淮

南節度使以吏部侍郎鄭畋為兵部侍郎翰林學士承

旨戶部侍郎盧攜守本官並同平章事

考異曰舊畋傳云乾符四年

遷吏部侍郎尋降制可本官同平章事今從實錄此年為相

十一月庚寅日南至

冬至日南至夏至日北至

羣臣上尊號曰聖神聰睿仁哲孝皇帝改

元

改元乾符上時掌翻

魏博節度使韓允中薨軍中立其子節

度副使簡為留後

南詔寇西川作浮梁濟大渡河防

河都知兵馬使黎州刺史黃景復俟其半濟擊之蠻敗

走斷其浮梁

斷丁管翻

蠻以中軍多張旗幟當其前而分兵

潛出上下流各二十里夜作浮梁詰朝俱濟

詰其古翻朝陟遙翻

旦襲破諸城柵夾攻景復力戰三日景復陽敗走蠻盡

銳追之景復設三伏以待之蠻過三分之二乃發伏擊

之蠻兵大敗殺二千餘人追至大度河南而還

還從宣翻又如

字復修完城柵而守之蠻歸至之羅谷遇國中發兵繼

至新舊相合

新者繼至之兵舊者敗歸之兵

鉦鼓聲聞數十里

聞音

復

寇大度河

又復扶翻

與唐夾水而軍詐云求和又自上下流

潛濟與景復戰連日西川援軍不至而蠻衆日益景復

不能支軍遂潰十二月党項回鶻寇天德軍感化

軍奏羣盜寇掠

感化軍治徐州羣盜龐勛餘黨也

州縣不能禁勅充鄆

等道出兵討之南詔乘勝陷黎州入邛崃關攻雅州

大度河潰兵奔入邛州

九域志雅州東北至邛州一百六十里大度河潰兵黃景復之

也軍成都驚擾民爭入城或北奔它州城中大為守備而

塹壘比鄰時嚴固驃信使其坦綽遺節度使牛叢書云

坦綽南詔清平官之首也遺唯季翻

非敢為寇也欲入見天子面訴數十

年為讒人離間冤抑之事

見賢遍翻間古覓翻

儻蒙聖恩矜恤當

還與尚書永敦鄰好今假道貴府欲借蜀王廳留止數

日即東上

好呼到翻上時掌翻詐言將自成都而東上長安

叢素懦怯欲許之

楊慶復以為不可斬其使者留二人授以書遣還書辭

極數其罪詈辱之

數所翻

蠻兵及新津而還

宋白曰新津縣本漢犍為

郡武陽縣地李膺益州記云皂里江津之所曰新津市周北圖記云閔帝元年於此立新建縣九域志縣在蜀

州東南叢恐蠻至豫焚城外民居蕩盡

考異曰錦里者舊傳咸通十

四年十一月五日雲南蠻寇再犯大度河黃景復擊敗之十二月二十五日復攻大度河三十日蠻乘勝進攻黎州十二月二十八日蠻來只到新津前後蜀州界左右便退竟不到城下按咸通十四年南詔冠西川事舊紀南詔傳唐年補錄唐錄備闕續實運錄皆無之獨耆舊傳載之甚詳新書取之作南詔傳而實錄但云十二月西川奏南蠻入寇黎州刺史黃景復擊退之新紀但云十二月雲南蠻寇黎州蓋亦出於耆舊傳耳舊紀乾符元年冬南詔蠻冠西蜀詔河西河東山南西道東川徵兵赴援實錄乾符元年十月西川奏雲南蠻入寇十二月雲南蠻寇西川坦綽致書於牛叢欲求入覲河東山南西道及東川兵援之月末又雲南蠻侵犯黎州而成都守禦無備殊不拒敵踰河越嶺洞無籬障賴積雪丈餘遂阻隔奔衝之勢又邛雅二州刺史望風奔遁蠻

燒劫一空牛叢不曉兵失於探候而奏報差戾詔切責之蠻劫畧離雅間破黎州入邛崃關成都閉三日蠻乃去新紀乾符元年十二月雲南蠻寇黎雅二州河西河東山南東道東川兵伐雲南按實錄咸通十四年十一月七日路巖始移荆南八日牛叢始除西川而耆舊傳蠻入寇皆叢任內事恐誤先一年也實錄新紀因此於十四年十二月添雲南寇黎蜀人尤之詔發河東山南州事實皆在乾符元年冬也

西道東川兵援之仍命天平節度使高駢詣西川制置蠻事以韓簡為魏博留後商州刺史王樞以軍州

空窘減折糴錢

窘巨隕翻德宗時度支以稅物頒諸司皆增本價為虛估給之而繆以濫惡督

州縣剝價謂之折納其後又以稅物折錢使輸米粟謂之折糴折音之舌翻

民相帥以白挺

毆之

帥讀曰率槌徒鼎翻白梧也毆鳥口翻

又毆殺官吏二人朝廷更除

刺史李誥到官收捕民李叔汶等三十餘人斬之

汶音問

初回鶻屢求冊命詔遣冊立使郝宗莒詣其國會回

鶻為吐谷渾嗚末所破

嗚末者吐蕃奴部也虜法出師必發豪室皆以奴從平居散處

田牧及論恐熱亂無所歸共相嘯合數千人以嗚末自號居甘肅河沙爪謂岷廓疊宕間其近蕃牙者最勇而

馬尤良嗚鳥沒翻

逃遁不知所之詔宗莒以玉冊國信授靈鹽

節度使唐弘夫掌之還京師

上年少

少詩詔翻

政在臣下

南牙北司互相矛盾自懿宗以來奢侈日甚用兵不息

賦斂愈急

斂九
贍翻

關東連年水旱州縣不以實聞上下相

蒙百姓流殍

流散也殍餓殍音被表翻

無所控訴相聚為盜所在

蠭起州縣兵少加以承平日久人不習戰每與盜遇官

軍多敗

是從王仙芝黃巢遂為大盜史先言唐末所以致盜之由

是歲濮州人王仙

芝始聚衆數千起於長垣

滑州匡城縣本後齊之長垣縣開皇十六年改為匡城是

年又分韋城縣置長垣縣新志匡城有長垣縣宋朝以

長垣縣屬開封府九域志在府東北一百五里考異

曰實錄二年五月仙芝反於長垣按續寶運錄濮州賊

王仙芝自稱天補平均大將軍兼海內諸豪都統傳檄

諸道檄末稱乾符一年正月三日則

二年春正月丙戌以高駢為西川節度使 辛巳上祀

圓丘赦天下 高駢至劍州先遣使走馬開成都門開

都城諸門也

考異曰錦里耆舊傳郫州節度使高相

公駢乘急詔除劍南西州節度副大使乾符元年正月

二十一日行李到劍州先遣使走馬開城門並令放出

百姓二月十六日至府豁開城門並放人出今從實錄

置今年又劍州至成都止十二程駢正月二十一日自

劍州遣使走馬開城門二月十六日始至府下又云駢

三十日到上按長歷一月小無三十或曰蠻寇逼近成

日蓋二十六日誤為二月十六日也

都相公尚遠萬一稀突奈何

近其靳翻稀香衣翻又許豈翻稀承也承健於突

駢曰吾在交趾破蠻二十萬衆

事見二百五十卷懿宗咸通七年

蠻聞

我來逃竄不暇何敢輒犯成都今春氣向暖數十萬人
蘊積城中生死共處污穢鬱蒸將成癘疫不可緩也使
者至成都開城縱民出各復常業乘城者皆下城解甲
民大悅蠻方攻雅州聞之遣使請和引兵去駢又奏南
蠻小醜易以枝梧易以鼓翻今西川新舊兵已多所發長武
廊坊河東兵徒有勞費並乞勒還勅止河東兵而已考

異曰舊紀此奏在元年十二月今因駢開成都門言之

上之為普王也小馬坊

使田令孜有寵

小馬坊使亦內諸司使之一後梁改為天驥使後唐復舊長興元年改飛龍院

為左飛龍院小馬坊為右飛龍院宋太平興國三年及
改左右天廡坊至雍熙二年又改左右驕驥院使

即位使知樞密遂擢為中尉

考異曰舊本紀此年正月令孜為右軍中尉新傳

云帝即位擢為左神策中尉舊傳但云神策中尉今從之

上時年十四專事遊戲

考

異曰續寶運錄曰上是年十五歲中朝故事曰僖宗皇帝以咸通三年降誕十四年七月十九日即位年十二

按舊紀亦云咸通三年五月八日生於東內即位年十二今從之

據考異四當作二政事一委

令孜呼為阿父

阿鳥葛翻一讀如字阿保也

令孜頗讀書多巧數招

權納賄除官及賜緋紫皆不關白於上每見常自備果

食兩盤與上相對飲啗從容良久而退

見賢遍翻從千容翻

上與

內園小兒狎昵賞賜樂工伎兒所費動以萬計府藏空

竭

昵尼質翻伎渠綺翻藏徂浪翻

令攷說上籍兩市商旅寶貨悉輸內

庫

說式芮翻

有陳訴者付京兆杖殺之宰相以下鉗口莫敢

言

鉗其康翻

高駢至成都明日發步騎五千追南詔至大

度河殺獲甚衆擒其酋長數十人至成都斬之

酋慈由翻長知

大翻修復邛崃關大度河諸城柵又築城于戎州馬湖鎮

號平夷軍

馬湖鎮當馬湖江之要

又築城于沐源川皆蠻入蜀之

要路也各置兵數千戍之自是蠻不復入寇

復扶又翻駢召

黃景復責以大度河失守腰斬之

考異曰耆舊傳云乾符元年三月十五

日處置前黎州刺史充大度河把截制置土軍都知兵馬使黃景復實錄乾符二年三月駢奏斬景復今事從

耆舊傳年從實錄

駢又奏請自將本管

本管謂西川兵

及天平昭義義

成等軍共六萬人擊南詔詔不許先是南詔督爽屢牒

中書

南詔清平官坦綽布燮久贊之下有幕爽主兵琮爽主戶籍慈爽主禮罰爽主刑勸爽主官人厭爽

主工作萬爽主財用引爽主客禾爽主商賈亦皆清平官爽猶言省也督爽總三省也先悉薦翻

辭語

怨望中書不答盧攜奏稱如此則蠻益驕謂唐無以答

宜數其十代受恩以責之

南詔之先曰細奴邏高宗朝遣使入朝生邏盛矣邏盛矣

生炎閭炎閭死弟盛邏皮立盛邏皮生皮邏閭玄宗賜名歸義於開元間合六詔為一而國始強歸義子曰閭羅鳳閭羅鳳子曰鳳迦異鳳迦異子曰異牟尋異牟尋子曰尋閭勸尋閭勸子曰勸龍晟勸龍晟弟曰勸利勸利弟曰豐祐豐祐死而酋龍立自細奴邏至酋龍十三代中間鳳迦異未立而死而豐祐酋龍與唐為敵是受思十代也然自中書發牒則嫌於體敵請賜高駢及嶺數所具翻

南節度使辛讜詔使錄詔白牒與之

錄詔白今謂之錄白是也

從之

三月以魏博留後韓簡為節度使

去歲感化軍發

兵詣靈武防秋會南詔寇西川勅往救援蠻退遣還至鳳翔不肯詣靈武欲擅歸徐州內養王裕本都將劉逢

搜擒唱帥者胡雄等八人斬之

內養亦官者也
帥讀曰率下同

衆然後

定初南詔圍成都楊慶復以右職優給募突將以禦

之

事見上懿宗咸通十一年將即亮翻下同

成都由是獲全及高駢至悉令

納牒

牒職牒也

又託以蜀中屢遭蠻寇人未復業停其稟給

既奪其職牒又停其優給

突將皆忿怨駢好妖術每發兵追蠻皆夜

張旗立隊對將士焚紙畫人馬

好呼到翻妖於遙翻畫讀曰畫

散小豆

曰蜀兵懦怯今遣玄女神兵前行軍中壯士皆恥之

駢高

之好妖術終以此敗

又索闔境官有出於胥吏者皆停之

索山客翻下索

之令民間皆用足陌錢陌不足者皆執之効以行賂取

與皆死

効舊音戶槩翻今紇得翻

刑罰嚴酷由是蜀人皆不悅夏四

月突將作亂大譟突入府廷駢走匿於廁間

廁初利翻圓也潤也

突將索之不獲

索山客翻

天平都將張傑帥所部數百人被

甲入府擊突將

高駢自天平徙西川張傑蓋元從部曲將被皮義翻

突將撒牙前

儀注兵仗

節度使牙前列兵仗以壯威容

無者奮挺揮拳乘怒氣力闕

天平軍不能敵走歸營突將追之營門閉不得入監軍

使人招諭許以復職名稟給久之乃肯還營天平軍復

開門出為追逐之勢至城北時方修毬場役者數百人
天平軍悉取其首還詣府云已誅亂者駢出見之厚以
金帛賞之明日勝謝突將悉還其職名衣糧自是日令
諸道將士從已來者更直府中嚴兵自衛

備突將復為亂也更工衛

翻

加成德節度使王景崇兼侍中 浙西狼山鎮遏

使王郢等六十九人有戰功

今通州靜海縣南有狼山五山相連上接大江下達

巨海絕江南渡抵蘇州常熟縣福山鎮順江東至崇明沙揚帆乘順南抵明州定海縣陶隱居所謂狼五山對

句章岸者也

節度使趙隱賞以職名而不給衣糧郢等論訴

不獲

論盧昆翺

遂劫庫兵作亂行收黨衆近萬人攻陷蘇常

蘇常二州名相去一百八十里

乘舟往來泛江入海轉掠二浙南及福

建大為人患

考異曰新紀云浙西突陳將王郢反五月遣右龍武大將軍宋皓討之按四年郢執

魯寔始命皓討之置此誤也程匡柔唐補記曰浙西突將王郢反聚黨萬衆燒劫蘇常三年正月貶蘇州刺史李繪以郢亂奔城故也舊紀二年海賊王郢攻剽浙西郡邑實錄乾符三年二月浙西奏突陳將王郢等六十九人劫庫兵為亂三月浙西奏王郢聚衆萬人攻陷州縣續實運錄元年王郢於兩浙叛教差山北兵士討之不逾月而尅乃組頸于闕下今從舊紀

五月以太傅分司令狐綯同平

章事充鳳翔節度使

司空同平章事蕭倣薨

考異曰舊傳

曰俄而盜起河南內官握兵王室濁亂傲氣勁論直同
列忌之罷知政事出為廣州刺史嶺南節度使遇亂不
至京師而卒舊紀三年春正月己卯朔倣以病免罷為
太子太傅新紀此月蕭倣薨新傳亦云卒于位為嶺南
節度在前舊紀傳
皆誤今從實錄

六月以御史大夫李蔚為中書侍

郎同平章事

蔚紆
勿翻

辛未高駢陰籍突將之名使人夜

掩捕之圍其家挑牆壞戶而入

挑它凋翻蜀本作
排讀如字壞音怪

老幼

孕病悉驅去殺之嬰兒或撲於階

撲弼
角翻

或擊於柱流血

成渠號哭震天

號戶
高翻

死者數千人夜以車載尸投之於

江有一婦人臨刑戟手大罵曰高駢汝無故奪有功將

士職名衣糧激成衆怒幸而得免不省已自咎

省悉景翻

乃

更以詐殺無辜近萬人

近其新翻

天地鬼神豈容汝如此我

必訴汝於上帝使汝它日舉家屠滅如我今日冤抑汗

辱如我今日驚憂惴恐如我今日言畢拜天怫然就戮

惴之睡翻怫扶弗翻觀異日高駢之禍則信如婦人之言矣天地鬼神臨之在上質之在旁豈可多殺無辜以

逞私忿

久之突將有自成役歸者駢復欲盡族之

復扶又翻下同

有元從親吏王殷諫曰相公奉道宜好生惡殺

元從言從高駢

歲久非新隸也從才用翻好呼到翻惡鳥路翻

此屬在外初不同謀若復誅之

則自危者多矣駢乃止 王仙芝及其黨尚君長攻陷

濮州曹州

濮博木翻

衆至數萬天平節度使薛崇出兵擊之

為仙芝所敗

敗補邁翻

冤句人黃巢亦聚衆數千人應仙芝

冤句漢縣唐屬曹州九域志在州西四十五里顏師古曰句音胸黃巢始此

巢少與仙芝皆

以販私鹽為事

少詩照翻

巢善騎射喜任俠粗涉書傳

喜許紀翻

粗坐五翻傳枉戀翻

屢舉進士不第遂為盜與仙芝攻剽州縣

剽匹

妙翻橫行山東民之困於重斂者爭歸之

斂力贍翻

數月之間

衆至數萬 盧龍節度使張公素性暴戾不為軍士所

附大將李茂勲本回鶻阿布思之族回鶻敗降於張仲

武

李茂勲之降蓋在會昌間也

仲武使戍邊屢有功賜姓名納降軍

使陳貢言者幽之宿將為軍士所信服

納降軍在幽州丁零川

茂

勲潛殺貢言聲云貢言舉兵向薊公素出戰而敗奔京

師茂勲入城衆乃知非貢言也不得已推而立之朝廷

因以為留後

秋七月蝗自東而西蔽日所過赤地

蝗言

之多所過食草木葉及五穀皆盡

京兆尹楊知至奏蝗入京畿不食稼

皆抱荊棘而死宰相皆賀

楊國忠以霖雨不害稼韓滉以霖雨不敗鹽今楊知至以

蝗不食稼抱荆棘而死唐之臣以蒙蔽人主而成習其來久矣

八月李茂勲為盧龍

節度使

八月之下當有以字

九月右補闕董禹諫上遊畋乘驢

擊毬上賜金帛以褒之邠寧節度使李侃奏為假父華

清宮使道雅求贈官

李侃為宦者假子為于偽翻

禹上疏論之語頗

侵宦官樞密使楊復恭等列訴於上冬十月禹坐貶郴

州司馬

谷永專攻上身不失為九卿王章斥言王鳳則死於牢獄嗚呼有以也哉

復恭欽義

之養孫也

楊欽義見二百四十六卷文宗開成五年

昭義軍亂大將劉廣

逐節度使高湜

湜承職翻

自為留後以左金吾大將軍曹翔

為昭義節度使

回鶻還至羅川

唐寧州真寧縣隋羅川縣也其地即漢上

郡陽周縣地宣宗大中二年回鶻西奔至是方還

十一月遣使者同羅榆祿入

貢賜拯接絹萬匹

羣盜侵淫

侵當作浸

剽掠十餘州至于

淮南多者千餘人少者數百人詔淮南忠武宣武義成

天平五軍節度使監軍亟加討捕及招懷十二月王仙

芝寇沂州平盧節度使宋威表請以步騎五千別為一

使兼帥本道兵所在討賊

帥讀曰率

仍以威為諸道行營招

討草賊使仍給禁兵三千甲騎五百

騎奇寄翻

因詔河南方

鎮所遣討賊都頭並取威處分

處昌呂翻
分扶問翻

三年春正月天平軍奏遣將士張晏等救沂州還至義

橋聞北境復有盜起

復扶
又翻

留使扞禦晏等不從喧譟趣

鄆州

趣七
喻翻

都將張思泰李承祐走馬出城裂袖與盟以

俸錢備酒殽慰諭然後定詔本軍宣慰一切無得窮詰

詰區古翻唐自中世以來姑息藩鎮至
其末也姑息亂軍遂陵夷以至於亡

勅福建江西

湖南諸道觀察刺史皆訓練士卒又令天下鄉村各置

弓刀鼓板以備羣盜

賜兗海節度號泰寧軍

三月

盧龍節度使李茂勲請以其子幽州左司馬可舉知留
後自求致仕詔茂勲以左僕射致仕以可舉為盧龍留
後門下侍郎同平章事崔彥昭罷為太子太傅以左
僕射王鐸兼門下侍郎同平章事南詔遣使者詣高

駢求和而盜邊不息駢斬其使者蠻之陷交趾也

事見二百

五十卷懿宗咸通六年

虜安南經略判官杜驤妻李瑶瑶宗室之

疎屬也蠻遣瑶還遞木夾以遺駢

遞牒以木夾之故云木夾范成大桂海虞

衡志曰紹興元年安南與廣西帥司及邕通信問用兩漆板夾繫文書刻字其上謂之木夾按宋白續通典諸

道州府巡院傳遞敕書皆有木夾
是中國亦用木夾也遺唯季翻
稱督爽牒西川節度

使辭極驕慢駢送瑤京師甲辰復牒南詔數其負累聖

恩德暴犯邊境殘賊欺詐之罪安南大度覆敗之狀折

辱之

數所角翻懿宗咸通七年高駢破蠻於安南
上乾符二年駢破蠻於大度河折之舌翻

原

州刺史史懷操貪暴夏四月軍亂逐之
賜宣武感化

節度泗州防禦使密詔精選兵數百人於廵內遊奕防

衛網船五日一具上供錢米平安狀聞奏
汴徐泗三鎮
汴水所經東

南網運輸上都者皆由此道羣盜從
橫恐為所掠故密詔選兵遊奕防衛
五月昭王汭薨

汭宣
宗子

以盧龍留後李可舉為節度使 六月撫王紘

薨

紘順宗子

雄州地震裂水涌壞州城及公私廬舍俱盡

雄州在靈州西南百八十里壞音怪

秋七月以前巖州刺史高傑為左

驍衛將軍充泃海水軍都知兵馬使

新志調露二年析橫貴二州置巖州

因巖岡之以討王郢

鄂王潤薨

潤宣宗子

加魏博節度

使韓簡同平章事

宋威擊王仙芝於沂州城下大破

之

考異曰實錄去年十二月宋威自青州與副使曹全最進軍擊王仙芝仙芝敗走按仙芝若以去年十

二月敗走中間半年豈能靜處蓋實因威除招討使連言之其實仙芝敗在此月不在十二月也

仙芝

亡去威奏仙芝已死縱遣諸道兵身還青州百官皆入

賀居三日州縣奏仙芝尚在攻剽如故剽匹妙翻時兵始休

詔復發之復扶又翻士皆忿怨思亂八月仙芝陷陽翟邾城

邾訖洽翻詔忠武節度使崔安潛發兵擊之安潛慎由之弟

也崔慎由相宣宗又昭義節度使曹翔將步騎五千及義成兵

衛東都宮以左散騎常侍曾元裕為招討副使守東都

又詔山南東道節度使李福選步騎二千守汝鄧要路

仙芝進逼汝州詔邠寧節度使李侃鳳翔節度使令狐

緇選步兵一千騎兵五百守陝州潼關

陝失冉翻

加成德

節度使王景崇兼中書令

九月乙亥朔日有食之

丙子王仙芝陷汝州執刺史王鐐鐐鐸之從父兄弟也

鐐力彫翻又力弔翻從才用翻

東都大震

九域志汝州北至東都一百六十里

士民挈家

逃出城乙酉勅赦王仙芝尚君長罪除官以招諭之仙

芝陷陽武攻鄭州昭義監軍判官雷殷符屯中牟

中牟漢古

縣隋曰邾城大業元年改曰圃田唐武德三年改曰中牟屬鄭州九域志在汴州西七十里

擊仙芝

破走之冬十月仙芝南攻唐鄧

西川節度使高駢築

成都羅城使僧景仙規度

度徒洛翻

周二十五里悉召縣令

庀徒賦役

成都府領成都華陽新都犀浦新繁雙流廣都郫溫江靈池十縣庀匹婢翻具也賦布也

分布使之就役也

吏受百錢以上皆死蜀土疏惡以甓甃之環

城十里內取土皆剗丘垤平之

甓蒲力翻甃也甃則救翻環音宦剗初限翻削

也垤徒結翻

無得為坎埴以害耕種

埴徒感翻坎旁入也

役者不過十

日而代衆樂其均

樂音洛

不費扑撻而功辦

扑普卜翻

自八月

癸丑築之至十一月戊子畢功役之始作也駢恐南詔

揚聲入寇雖不敢決來役者必驚擾乃奏遣景仙託遊

行入南詔說諭驃信使歸附中國仍許妻以公主

新書曰浮

屠景仙如此則文意明說輸芮翻妻七細翻

因與議二國禮儀久之不決駢

又聲言欲巡邊朝夕通烽火至大度河而實不行蠻中

惴恐

惴之睡翻

由是訖於城成邊候無風塵之警先是西川

將吏入南詔

先悉薦翻將即亮翻

驃信皆坐受其拜駢以其俗尚

浮屠故遣景仙往驃信果帥其大臣迎拜

帥讀曰率

信用其

言王仙芝攻郢復二州陷之

王郢因温州刺史魯

寔請降寔屢為之論奏

為于偽翻

勅郢詣闕郢擁兵遷延半

年不至固求望海鎮使朝廷不許以郢為右率府率

唐有

十率府率右率府率其一也

仍令左神策軍補以重職其先所掠之

財並令給與

十二月王仙芝攻申光廬壽舒通等州

按唐書地理志通州屬山南東道宋之達州是也周世宗以南唐靜海軍置通州今淮東之通州是也其地在唐則為揚州海陵縣之東境唐時淮南道未有通州此必誤參考下文通當作蘄

淮南節度使

劉鄩奏求益兵勅感化節度使薛能選精兵數千助之

鄭畋以言計不行稱疾遜位不許乃上言自沂州奏捷

之後

謂宋威奏破王仙芝於沂州城下上時掌翻

仙芝愈肆猖狂屠陷五六

州瘡痍數千里宋威衰老多病自妄奏以來諸道尤所

不服

妄奏謂奏仙芝已死

今淹留亳州殊無進討之意曾元裕擁

兵斬黃專欲望風退縮若使賊陷揚州則江南亦非國

有崔安潛威望過人張自勉驍雄良將宮苑使李瑑西

平王晟之孫

瑑柱究翻言瑑奕世將家

嚴而有勇請以安潛為行營

都統瑑為招討使伐威自勉為副使代元裕

實錄雖於考異曰

此月載畋所上書亦不言行與不行新紀遂於此言安潛為諸道行營都統李瑑為招討草賊使張自勉副之按明年威元裕使副猶如故實錄誤也

上頗采其言

青滄軍士戍安南

青州平盧軍還至桂州逐觀察使李瓚瓚才但翻考

年十二月瓚宗閔之子也李宗閔太和為相以右諫議大夫張

禹謨為桂州觀察使桂管監軍李維周驕橫橫戶瓚曲

奉之浸不能制桂管有兵八百人防禦使纔得百人餘

皆屬監軍又預於逐帥之謀強取兩使印兩使印謂觀察使及防禦

使印也帥所類翻使疎吏翻下同擅補知州官奪昭州送使錢唐制諸

分為三一曰上供以輸京師二曰送使以輸本道三曰留州留充本州經費詔禹謨并按之

禹謨徹之子也張徹見二百四十二招討副使都監

卷穆宗長慶元年

楊復光奏尚君長弟讓據查牙山

查鋤加翻

官軍退保鄧州

復光元价之養子也

楊元价見二百五十卷懿宗咸通四年

王仙芝攻

蘄州蘄州刺史裴偓王鐸知舉時所擢進士也王鐸在

賊中為仙芝以書說偓

為于偽翻下同

偓與仙芝約斂兵不戰

許為之奏官鐸亦說仙芝許以如約偓乃開城延仙芝

及黃巢輩三十餘人入城置酒大陳貨賄以贈之表陳

其狀諸宰相多言先帝不赦龐勛暮年卒誅之

事見上卷咸通

九年十年卒子恤翻今仙芝小賊非龐勛之比赦罪除官益長姦

宄長知王鐸固請許之乃以仙芝為左神策軍押牙兼

兩翻

監察御史遣中使以告身即蘄州授之仙芝得之甚喜

鐸偃皆賀未退黃巢以官不及已大怒曰始者共立大

誓橫行天下今獨取官赴左軍使此五千餘衆安所歸

乎

考異曰仙芝巢初起時云數月間衆至數萬至此纔有五千者蓋烏合之衆聚散無常耳

因毆

仙芝傷其首

毆鳥口翻

其衆誼譟不已仙芝畏衆怒遂不受

命大掠蘄州城中之人半驅半殺焚其廬舍偃奔鄂州

勅使奔襄州


勅使授告身之中使也

鐸為賊所拘賊乃分其軍三

千餘人從仙芝及尚君長二千餘人從巢各分道而去

考異曰王坤驚聽錄曰乾符四年丁酉仲夏天示彗
星草寇黃巢尚君長奔突即五年戊戌之歲狂寇王仙
芝起自鄆封而侵汝鄭即大寇黃巢尚君長並賊帥之
徒黨僅一千餘人攻陷汝州云云又曰黃巢望閩廣而
去仙芝指鄆州南行尚君長劫陳蔡間取羣凶之願三
千餘寇屬仙芝君長二千餘人屬黃巢所管明年二月
仙芝陷鄆州巢陷鄆州則非巢趣閩廣仙芝趣鄆也
王坤此書年月事迹差舛尤多但擇其可信者取之

資治通鑑卷二百五十二



總校官庶吉士臣侍朝

校對官檢討臣王坦修

謄錄監生臣李溥